



Sala  
Gab. R  
Est.  
Tab. 3  
N.º 6

R  
3  
6

PETRI ALFON-  
SIDE VASCONCEL-  
LOS LEIRIENSIS IN  
IVRE CANONICO BACCHA-  
LAVREI, DE HARMONIA RVBRICARVM  
Iuris Canonici Prima pars.

AD

Illustrissimum Dominum D. Alfonsum de Castelbranco Conimbricæ Episco-  
pum, Arganilli Comitem. etc. et.



CONIMBRICAE,  
Typis Antonij de Mariz Typograph. & Bibliopola  
Vniuersitat. Anno Domini 1588.

¶ Cum licentia Inquisitorum.


PETRI ALEON  
SI DE VASSONCEL  
LOS FERRENSIS IN  
IVRE CANONICO BACCHA  
LAVEL, DE HARMONIA EVANGELIARVM

Paris: Carpentier, 1788.

1788

Illustration de l'ouvrage de l'abbé de Vassoncel, intitulé Harmonia Evangelicorum, par M. de Ferrens, Paris, chez Carpentier, 1788.

5



COUVERCLES

Paris: chez M. de la Harpe, Libraire, 1788.

Commissaires de l'Imprimerie



Presente o suplicante o liuro de que faz menção aos Inquididores de Coíbra, e elles elegerão hũa pessoa de confiãça que o reueja por parte do sancto officio: E visto por elle enuiará seu parecer a esta mesa, cerrado e cellado pera se ver, E cõ isso se daraa despacho. Em Lisboa a 27. de Outubro de 87.

*Jorge Sarrão.*

*Antonio de Mendoça.*

**O** Dito liuro foi per mim reuisto, e não me parece que tem cousa contra Fidem Catholicam, aut bonos mores.  
*F. Luys de Souto Mayor.*

**V**sta a informaçã acima pode se imprimir este liuro, e depois de impresso tornaraa a esta mesa cõ o proprio original cõ certidão do padre Frei Luys de Souto mayor, como estão conformes, e se lhe daraa licêça pera correr. Em Lisboa, a 9. de Feuereiro, de 1588.

*Paulo Afonso.*

*Antonio de Mendoça.*

PROLOGVS.

EPISCOPO COMITI PE-  
TRVS ALFONSVS DE

Vasconcellos

S.P.D.



*VO TEMPOR E ACAD E*  
mie Conimbricēsis instituto, praesul illustris-  
sime, annuus praelectionis cursus conficiendus  
nobis erat: venit in mentem mihi Rubri-  
cas omnes Iuris nostri Canonici percurrere,  
easque, qua possem, celeritate typis edere, ut ita publicè con-  
staret omnibus, quid de me posset, cum ad maiorem aetate per-  
uenissem, ingenioli mei tenuitas polliceri. Huius ego consilij,  
quod iam duobus abhinc annis voluebam animo, proximis  
vacationibus antè bis quatuor in Iuris peritia completos peri-  
culū facere constitui, eò maxime, quòd honestum erat, si meus  
mihi è votis conatus non cederet, eo tempore referre pedem,  
quo adhuc calamis, & atramentarijs onustus in ipsis Acade-  
mie subsellijs assiduus praceptorum versabar auditor. Cum  
verò quarendus esset aliquis indolis nostrae tutor, atque praesi-  
dium, cuius gremio spes nostrae surgentes adhuc, & tenere fo-  
uerentur, tu solus occurrebas, praesul illustrissime, inter Uni-  
uersos Lusitanorum proceres futurus Mecenas meus. Quid  
enim erit, quod sub Umbra magnitudinis tuae nomini officiat  
meo,

PROLOGVS.

meo, qui sic eruditus es, sic omnium doctrinarum fuenta pota-  
 sti, ut ea de te uno inter omnes disciplinas sit contentio, quæ  
 de Homero fuit olim, quem septem ex nobilissimis Græcia  
 urbes suum sibi ciuem vendicabant. Accedit, quod totum  
 hoc opus sub tuis captiui auspicijs iure tibi suo debebatur, qui,  
 ubi primùm Combricam es ingressus, præsentia tua, et assi-  
 duis in Academia disputationibus ita languentes studio-  
 sorum animos erexisti, ut vel me, quem non pudet inter in-  
 feriores ponere, ad magnum aliquid moliedum exemplo tuo  
 compelleres. Adde, quod æquum erat, ut nostrum hoc Ru-  
 bricarum edificium sub te uno construeretur, qui episcopales  
 modò ades aqueductibus in eas deriuatis, et marmoreis co-  
 lumnis, et arcibus affabrè factis ad regiam magnitudinem  
 extollis, qui libros censuales per vniuersam diæcesem magnis  
 tuis impensis iudice ad id autoritate regia accersito effici cu-  
 ras, ut, dum sumptibus tuis non parcis, episcopatus tui iura  
 partim amissa, et extincta nulla temporis obliuione, nul-  
 laquæ iniuria confundi possint. Quid? quod in illius episco-  
 pi sanctissimi, atque sapientissimi locum successisti, à quo  
 res meæ omnes veluti à parente, atque domino pendebant,  
 qui Nonio do Quintal parenti meo multis de causis amicissi-  
 mus me sæpius in istis, ubi tu modò habitas, palatijs se-  
 nex puerum egregijs amoris, et beneuolentiæ signis prosequu-  
 tus est. Cecidere certè cum illo spes meæ omnes, sed tamèn nõ  
 cecidit ardor ille, quo in literarum studium à prima pueritia

## PROLOGVS.

*inflammabar. Hunc episcopus ille sanctissimus in ipso sapientia complexu magis, atque magis quotidie senescens cum animo meo monitis suis, atque autoritate infigeret: tu vero, praesul illustrissime, post illius ad superos discessum, aduentu tuo felicissimo adauxisti, iam enim tunc augurabatur animus fore, ut sub tuo nomine, atque tutela, siquid in literis proficeremus, in manus hominum deueniret: ubi enim primum te concionantem audiui (audiui autem saepe, et) audire gestio sapissime) statim conieci animo non Episcopum modo, sed Sapientiam, sed Virtutem ipsam fuisse Conimbricae nostrae diuinitus concessam: in eo nanque ex consensu omnium adeo admirabiliter excellis, ut laudem praeripias omnibus, qui sunt in isto munere summa cum laude versati. Licet autem gratius scribenti foret hoc, quidquid est, opera statim in tuis rebus insumere, eas in opportunius tempus reseruanti certum mihi fuit illorum prius studiorum tibi rationem reddere, quae sunt a nobis aliquando in tuas laudes conferenda. Tu uerit mihi haecenus Iuris peritia octo meae vitae annos: tu enim feres posthac omnes: fuerit illi iuuetutem dare gloriosum, erit enim longe gloriosius in tuis laudibus consensescere. Interim, dum te maiora expectant, tui etiam maiora meditabimur, nosque quotidie sub tuo nomine publice legendos dabimus, non tam, ut nostrum reddamus vulgatum nomen, quam, nostram erga te beneuolentiam vulgatissimam. Quanquam vero omnes de Harmonia Rubricarum fetus simul edere constitueram,*



PROLOGVS.

hi tamen octo primò erumpentes moram pati non potuerunt, sed vix reptare incipiunt, cum in sinum tuum confugiunt, facile illic, ut spero, futuris fratribus hospitium paraturi.

RUBRICÆ, QUÆ IN PRIMA huius Harmoniæ parte continentur.

1	De summa Trinitate, & fide Catholica,	Fol. 1
2	De Constitutionibus.	Fol. 19
3	De Rescriptis.	Fol. 24
4	De Consuetudine.	Fol. 29
5	De Postulatione Prælatorum.	Fol. 36
6	De Electione, & electi potestate.	Fol. 38
7	De Translatione Episcopi.	Fol. 43
8	De Auctoritate, & usu Pallij.	Fol. 49

Leges, Capitula, Glossæ, Loca sacra scripturæ, quæ in hoc opere declarantur.

¶ Leges.

verb. d. loco.

L. 1. ff. de iustitia, & iure, ibi L. legis virtus. ff. de legibus, fol. 21. à numer. 4.

Principium instituti. eodem d. L. sed si dānum 9. §. si ipse

ā 4 ff.

# I N D E X.

- |  |  |
|--|--|
| <p>.ff. de peculio verb. naturaliter. fol. 30. reg. 1.</p> <p>L. in causæ 1. §. idē Pōponius .ff. de mino. d. verb. d. loc.</p> <p>L. item 25. §. quemadmodū, ibi cōcessum .ff. locati adiuncta l. si voluntate 8. ad med. d. loco.</p> <p>L. 2. .ff. de vulgari, ibi moribus fol. 31. reg. 12.</p> <p>L. de quibus .ff. de legibus d. verbo, d. loco.</p> <p>L. 1. .ff. de Iure patro. ibi trāslatione, fol. 43. pag. 2. reg. pen.</p> <p>L. vnic. C. qui numero tutelarū se excusāt, ibi, nō defunctoriē, fol. 44. reg. 7.</p> | <p>C. 2. eod. tit. fol. 45. à nu. 4.</p> <p>C. 3. de re iud. fol. 48. reg. 2.</p> <p>C. quanquàm 2. q. 7. d. fol. pag. 2. reg. 6.</p> <p>C. oli, 95. dist. d. fol à nu. 12.</p> <p>C. clericos 21. dist. ibi ordines, fol. 49. pag. 2. reg. 7.</p> <p>C. significasti de electione, dū ait pallium de corpore beati Petri assumi, fol. 53. pag. 2 nu. 6.</p> |
| <p>¶ <i>Glossæ.</i></p>  |  |
| <p>¶ <i>Capitula.</i></p> <p>Cap. consuetudo 1. distinct. fol. 20. pag. 2. reg. 15.</p> <p>C. 3. de consuet. lib. 6. fol. 33. reg. 4.</p> <p>C. 1. de translatione episco. verb. priuilegio. fol. 44. pag. 2. reg. 13.</p>   | <p>Glos. 2. in c. 1. de cōsuetud. lib 6. fol. 31. pag. 2. reg. 15.</p> <p>Glos. verb. breuitatē in c. cū ecclesia, de causa possessionis, d. loco.</p> <p>Glos. verb. eligemus in c. nisi specialis, autor. &amp; vsu pallij, fol. 58. pag. 2. nu. 14.</p> <p>Glos. in c. petitio 31. verb. specialib⁹, de iur. iur. d. lo.</p>                              |
| <p>¶ <i>Loca sacra scripturæ.</i></p>  |  |
|  | <p>Esai. c. 45. verè tu es Deus abscondit⁹, fol. 9. reg. pen.</p>  |

# INDEX ALPHABETICVS

eorum, quæ in hoc opere continentur.

A



CCVRSIVS IN-  
ordinatus, Fol. 2. pag.  
2. reg. 5.

Accursius à Iodoco vber-  
rimus iuris civilis fons appellatus,  
fol. 5. reg. 18.

Adrianus vj. pont. max. nullum ho-  
minum genus maiori prosequen-  
tur odio, quam poetas, fol. 52. pag.  
2. reg. 16.

Ætas nulla sera est ad discendum,  
fol. 1. reg. pen.

Æthnici habebant suos p̄t̄ifices, suã  
pontificiam scientiã, suam religio-  
nem, suosque Canones ad illã spe-  
ctantes, fol. 5. pag. 2. reg. 8.

Agareni saracenorum nomen sibi in-  
dignè vsurpant, fol. 14. reg. 17.

Alciati ingenium ex epistola, quã cõpo-  
suit in laudẽ Cornelij Taciti, depre-  
bẽdissẽ se dicit Erasmus, fol. 40. r. 1.

Anaxagoras celi, ac solis vidẽdi cau-  
sa se natum prædicabat, fol. 15.  
pag. 2. reg. 9.

Andreas Siculus Panormitomastrix,  
fol. 35. reg. 15.

Antecedens qui vult, vult oĩa, quæ se-  
quuntur ex illo, fol. 6. pag. 2. reg. 17.

Antonius Pinheiro Lusitanæ eloquẽ-  
tiæ princeps, fol. 45. pag. 2. in fin.

Apocrypharum sint, fol. 54. pag. 2. nu. 8.

Archiepiscoporum origo, fol. 57. nu. 10.

Archiepiscopi, & metropolitani idẽ  
sunt, fol. 57. reg. 7.

Arrij hæresis in Nyceno concilio sub  
Syluestro 1. & Cõstãtino Magno  
dãnata est, fol. 10. reg. 6.

Ascensionis ieiunium consuetudine in-

ductum, quod qui violauerit, mortalis  
criminis reus erit, fol. 33. pag. 2. re. 14.  
Auli Geilij noctes Atticæ maxime cã-  
dida, fol. 3. in fin.

B

Battologiæ vitium quid sit, fol. 35. r. 17.

Bitotus lacteo eloquẽtiæ fonte manãs.  
fol. 46. pag. 2. reg. antepen.

Boetius soluta oratione Ciceroni, ipsi  
Virg. ligata proximus, fol. 2. reg. 22.

Bolum Armenicum oĩbus morborum gene-  
ribus applicatur, fol. 36. reg. 17.

C

Calepinus Romanæ linguæ armarium  
fol. 2. pag. 2. reg. 13.

Canonicum ius quadringentos per annos  
in Romana politia cum iure civili  
coniunctum fuit, fol. 5. reg. 13.

Canonicum ius apud Christianos vsque  
ad Cõstantini tẽpora cum Theologia  
cõiunctum fuit d. folio, pag. 2. reg. 14.

Canones nihil sunt aliud, quam cõclu-  
siones ex Euãgelio, aut libris Theolo-  
gicis deductæ d. loco in fin.

Canonici iuris sanctitas iuris civilis  
subtilitate decoratur, fol. 6. reg. 16.

Canon sine lege nihil, lex sine Canone  
parum, d. fol. reg. antepen.

Canonicum ius à pontificibus ius diuinum  
appellatur, d. fol. pag. 2. à principio.

Canones proprie sunt cõstitutioes edi-  
tæ in concilio generali, fol. 7. reg. 3.

Catholicum medicamentum apud Me-  
dicos, fol. 18. reg. 13.

Cardinales à quo tẽpore soli celebrẽt  
electioẽ summi p̄t̄. fol. 40. à nu. 5.

Cardinales vtrum sint iuris diuini d.  
folio, reg. 13.

Cardinalatus origo, titulus, numerus,  
à 5 præmi-

- præeminentia vnde petenda sint,*  
*d. loco. pag. 2. reg. 11.*  
*Charitas bene ordinata incipit à se ip-*  
*so, quo pacto intelligatur. fol. 58.*  
*pag. 2. numero 14.*  
*Cblamys insigne militum, fol. 3. reg. 7.*  
*Christiani titulus omnibus alijs ante-*  
*ponendus, fol. 18. pag. 2. reg. 22.*  
*Christiani olim ab Æthnicis Chre-*  
*stiani sunt appellati, & Christus*  
*dominus Chrestus, fol. 19. reg. 9.*  
*Christus dominus non elegit mortis*  
*genus, sed ad libitum Iudæorū mo-*  
*ri voluit, quod quare fecerit, vide*  
*ibi. fol. 56. in fin.*  
*Cicero fuit episcopus Campaniæ, fol.*  
*46. pag. 2. reg. 15.*  
*Concilium Lateranense magnum sub*  
*quo celebratū fuit, & qui in eo in-*  
*terfuerint, fol. 11. pag. 2. à num. 15.*  
*Constitutio quid apud Iurisconsultos*  
*significet, fol. 20. à numero 2.*  
*Cōstitutio Ecclesiastica modo Canon,*  
*modo decretum, modo decretalis*  
*epistola, modo dogma, modo san-*  
*ctio, modo mandatum, modo inter-*  
*dictū vocatur, fol. 20. reg. antepen.*  
*Constitutionem quis condere possit,*  
*fol. 22. pag. 2. num. 6.*  
*Consuetudo in legis locum subroga-*  
*tur, fol. 29. pag. 2. reg. 16.*  
*Consuetudo optima legum interpres,*  
*d. loco, reg. 20.*  
*Consuetudo est altera natura, d. loco,*  
*reg. antepen.*  
*Consuetudinem alteram esse naturam*  
*quo pacto sit intelligendum, fol. 30.*  
*pag. 2. reg. 5.*  
*Consuetudinis variæ definitiones, fol.*  
*31 à numero 3.*  
*Consuetudinis vera definitio, d. folio,*  
*pag. 2. num. 4.*  
*Consuetudo vtrum contra legem obli-*  
*gantem cum peccato introducatur,*  
*fol. 32. reg. 3.*  
*Consuetudo quo tempore perficiatur,*  
*d. fol. pag. 2. num. 5.*  
*Consuetudo aliquando pro præscrip-*  
*tione sumitur, fol. 33. reg. 13.*  
*Consuetudo quo pacto probari possit,*  
*d. fol. num. 6.*  
*Consuetudinis violator mortalis cri-*  
*minis reus est, d. fol. pag. 2. num. 7.*  
*Consuetudo quibus signis à præscrip-*  
*tione internoscat, fol. 34. num. 8.*  
*Crucis inuentio quo tempore conti-*  
*gerit, fol. 56. pag. 2. reg. 13.*  
*Crux ex quatuor lignorum generibus*  
*constituta dicitur, fol. 56. reg. 14.*  
*Cuculla insigne Monachorū, f. 3. re. 9.*
- D
- Decretaliū lib. Pentateucū appellat*  
*Hostiensis, fol. 10. reg. pen.*  
*Definitio debet cōverti cum suo desi-*  
*nito, fol. 39. reg. 14.*  
*Definitio est sermo indicans quid est*  
*esse rei per essentialia, fol. 42. reg. 22.*  
*Deus vnus est, & rationes & auto-*  
*ritates, quibus id probatur, fol. 12.*  
*numero 17.*
- E
- Ecclesia vocatur Catholica, quòd pro-*  
*tēdat palmites suos in quælibet lo-*  
*ca, & tempora, fol. 18. in principio.*  
*Electiōnis communis definitio, fol. 38.*  
*pag. 2. num. 2.*  
*Electiōnis vera definitio, fol. 39. nu. 3.*  
*Emmanuel Soares primus nuda de-*  
*creta Theologiæ floribus decora-*  
*uit, fol. 7. pag. 2. reg. 4.*  
*Episcopi nomen apud veteres quid sig-*  
*nificauerit, fol. 46. num. 8.*
- Episcopi

# INDEX.

- E**  
**Episcopi nomen semel apud Iuriscō-**  
**sultos reperitur, fol. 47. in princip.**  
**Episcopi nomen in principijs Ecclesie**  
**maioribus, & minoribus Sacerdo-**  
**tib<sup>9</sup> cōpetebat. fol. 47. pag. 2. n. 10.**  
**Episcopi nomen archiepiscopis, patri-**  
**archis, & Romano pōtifici cōmu-**  
**ne est. fol. 49. num. 13.**  
**Episcopus omnia potest in sua diœcesi**  
**quæ potest summus pont. in toto**  
**orbe exceptis prohibitis, fol. 58.**  
**pag. 2. num. 13.**  
**Est, verbum, diuinæ nature maximè**  
**congruit, fol. 12. pag. 2. num. 18.**  
**Ethymologia quid sit, fol. 50. num. 2.**  
**in principio,**  
**Excōmunicati prohibentur impetra-**  
**re rescriptum, fol. 26. pag. 2. reg. 2.**
- F**
- Falcem mittere in messem alienã pro-**  
**hibitum est, fol. 8. pag. 2. reg. 8.**  
**Fateri per quos profeceris, benignum**  
**est, & plenum ingenui pudoris, fol.**  
**12. reg. 8.**  
**Fidei multiplex est acceptio, fol. 16.**  
**numero 23.**  
**Fidei definitio d. loco.**  
**Fides Catholica. 1. vniuersalis, fol. 17.**  
**pag. 2. num. 24.**  
**Franciæ reges Christianissimi, fol. 18.**  
**reg. 16.**
- G**
- Grāmaticis apud iurisperitos sua est**  
**autoritas, fol. 2. pag. 2. reg. 9.**  
**Grammaticæ fructuositas nullatenus**  
**est relinquenda, fol. 50. reg. 13.**  
**Græci olim à pallio appellabātur pal-**  
**liati, fol. 52. num. 4. in principio.**  
**Gregorius ob moralia commendatus,**  
**fol. 10. pag. 2. in principio.**
- H**
- Habitus est insigne rusticorum, fol.**  
**3. reg. 9.**  
**Hæretici prohibentur impetrare res-**  
**criptum, fol. 26. in fin.**  
**Hispaniæ reges Catholici, fol. 18. pag.**  
**2. numero 25.**  
**Historicorum laus, fol. 39. pag. 2.**  
**numero 4.**  
**Honores gradatim deferri debēt, fol.**  
**45. pag. 2. reg. 19.**
- I**
- Imperatores ius vsurparunt confir-**  
**mandi summos pontifices, fol. 41.**  
**à principio.**  
**Imperij electores à quo creati sint, d.**  
**folio, num. 7.**  
**Innocentius pater, & organum veri-**  
**tatis, fol. 8. reg. 19.**  
**Iuramentum est assumptio nominis**  
**diuini ad confirmandam iurantis**  
**fidem, fol. 15. reg. 4.**  
**Iuris præceptum, suum vnicuique tri-**  
**buere, fol. 15. pag. 2. in principio.**  
**Ius non scriptum originem duxit ab**  
**institutiōe spartanorū, fol. 31. reg. 6.**  
**Ius est gratia potentius, fol. 36. pag. 2.**  
**reg. 18.**  
**Iuriconsultorum laus, fol. 43. pag. 2.**  
**reg. 13.**
- L**
- Labeo non iurisperitiæ solūm, sed &**  
**alijs studijs tantum operæ dedit, vt**  
**in eis etiam peritissimus haberetur**  
**fol. 39. pag. 2. reg. 17.**  
**Legis definitio, fol. 10. pag. 2. nu. 3.**  
**Legis virtus, fol. 21. num. 4.**  
**Lex appellatur mortalium regina à**  
**Pindaro, d. fol. reg. 11.**  
**Lex ad præterita non extenditur, fol.**  
**23. numero 18.**

# INDEX.

- Lex* habet vim obligandi in foro anime d. fol. pag. 2. num. 9.
- Lex* in communi iusta nō ob id cessat, quōd in aliquo particulari casu à ratione deficiat, fol. 35. reg. 12.
- Libri* debet esse doctis hominibus hæredes, fol. 60. reg. 16.
- M**
- Medici* citantur in legibus Iurisconsultorum, fol. 18. in fin.
- Mercurius Trismegistus* Trinitatem significavit, fol. 15. pag. 2. reg. 5.
- Metropolitani* etymologia. f. 58. n. 11.
- Modestinus* Iurisconsultus periochen in *Virgilium* composuit, fol. 39. pag. 2. reg. 16.
- Montbelonus* in vigesimo, & secūdo anno doctōris insignia consequutus est, fol. 13. reg. 15.
- N**
- Natura* tertio modo sumpta quid sit, fol. 30. pag. 2. reg. 13.
- Negligentia* oīa lædit, fol. 27. reg. pen.
- Negligentia* sua socio est damnosa, d. fol. reg. vlt.
- Nomen* debet esse consonans rei, fol. 18. pag. 2. reg. 9.
- O**
- Ordinis* laus, & quāvis necessarius sit in omni re ordo, fol. 2. num. 1.
- Orosius* Cicero Christianus, fol. 11. r. 8.
- P**
- P**, tria propter sui obscuritatem ab *Academys* sunt exacta, *Paulus*, *Plato*, *Plinius*, fol. 16. pag. 2. reg. 11.
- Pallium* vnde deriuetur, fol. 50. pag. 2. numero 3.
- Pallij* cōmunis definitio, fol. 53. nu. 5.
- Pallij* vera definitio, d. loco.
- Pallij* forma que sit, fol. 55. num. 9.
- Parochias* primus omnium diuisit *Dionysius* pōt. fol. 47. pag. 2. reg. 2.
- Parochus*, & *parochia* quid olim significauerit fol. 47. reg. 5.
- Pastoris* nomen analogum est, & tam *pastori*, quā *regi* conuenit, qui dicitur *pastor* populorū, fol. 45. re. 8.
- Patriarcharum* origo, fol. 57. nu. 10.
- Patriarchæ*, & *primates* idem sunt, fol. 57. pag. 2. reg. 5.
- Paulum* nūquam de manibus deponeremus, si eius sensus penetrare possemus, fol. 16. pag. 2. reg. 7.
- Permissio* potissima legis virtus, fol. 3. pag. 2. reg. 5.
- Philo* ludæus in diuinis, atque humanis literis peritissimus, & tropologicus, & allegorici sacre scripturæ sensus acerrimus indagator, fol. 2. reg. pen.
- Plato* sacram *Triadem* agnouit, fol. 14. pag. 2. num. 21.
- Plato* paucis imutatis Christianus est, fol. 15. reg. 21.
- Plinius* naturæ bibliotheca, fol. 2. pag. 2. reg. 20.
- Poeta* Lusitanus citatur à *Bartholomeo Philippo* in libris de disciplina militari, fol. 9. pag. 2. reg. 6.
- Poetarum* testimonijs Iurisconsulti, & pontifices suas leges decorant, fol. 4. reg. 12.
- Postulationis* definitiones variæ, fol. 37. numero 3.
- Postulationis* vera definitio, d. folio, pag. 2. num. 4.
- Postulatiōis* gen<sup>9</sup> duplex, fol. 38. nu. 6.
- Potentia* nulla est à præterito, fol. 23. in fin.
- Principiū* rectum compar semper cōsequitur finis, fol. 10. pag. 2. reg. 6.
- Principiū* cuiusq; rei potissima pars, d. loco

# INDEX.

- Purpura regum est insigne, & pro rege accipitur,* fol. 1. reg. 2.
- Q**
- Quaternarij numeri laus,* fol. 56. reg. 6
- R**
- Ratio est causa formalis consuetudinis,* fol. 31. pag. 2. reg. 12.
- Reges Israelitici tenebantur describere propria manu leges Deuteronomij,* fol. 22. in fin.
- Rescriptū posterius non tollit prius, nisi expressam de illo mentionem faciat, secus contingit in lege,* fol. 23. reg. 9.
- Rescripti definitiones variae,* fol. 24. pag. 2. num. 3.
- Rescripti vera definitio,* fol. 25. pag. 2. numero 4.
- Rescriptū quis possit concedere,* fol. 26. numero 5.
- Rescriptum quis possit impetrare,* d. fol. num. 6.
- Rescriptum contra quemlibet impetrari potest, dummodo sit de iurisdictione concedentis,* d. fol. pag. 2. numero 7.
- Rescripta utrum perpetua, vel ad tempus durent* d. loco, num. 9.
- Rescripta quo pacto vitentur,* fol. 28. numero 11.
- Romani gens togata à toga,* fol. 52. num. 4 à principio.
- Rubrica quid sit,* fol. 2. pag. 2. nu. 2.
- Rubricae sunt authenticae, & pro legibus citari possunt,* fol. 4. pag. 2. numero 4.
- S**
- Sabellius personarum distinctionem auferbat.* fol. 14. pag. 2. reg. 18.
- Sambico grauiora pati per paræmiã dicimus eum, quem significare volumus exquisitissimo supplicij genere distorqueri,* fol. 46. pag. 2. reg. 13.
- Scipio Africanus missus est à senatu gentium, regumque episcopus,* d. loco, reg. 20.
- Scire quid facias, & nescire quo facias ordine, imperfectae cognitionis est,* fol. 2. reg. 11.
- Scriptura utrum requiratur ad essentiam legis,* fol. 21. pag. 2. num. 5.
- Simonidis philosophi de Deo testimonium,* fol. 9. reg. 11.
- Socrates interdum per Canem iurare solebat,* fol. 15. reg. 9.
- Species qualificata sub genere non comprehenditur,* fol. 35. pag. 2. reg. 8.
- Spes comes quidam perpetuus, & indiuiduus fidei Christianae,* fol. 16. pag. 2. reg. antepen.
- Stola insigne sacerdotum,* fol. 3. reg. 8
- Subrogatus sapit naturam eius, in cuius locum subrogatur,* fol. 31. pag. 2. reg. antepen.
- Summum dicitur, quasi supremum, quia supereminet,* f. 14. pag. 2. re. 10.
- T**
- Theologia ceteras sibi scientias subalternat,* fol. 10. pag. 2. reg. 17.
- Tiraquelli leges conubiales doctrinae orbem, quem graeci encyclopediam vocant, maxime continent,* fol. 2. pag. 2. reg. 15.
- Tiraquellus literarum porcus,* fol. 3. pag. 2. reg. 21.
- Toga insigne aduocatorum* fol. 3. re. 8.
- Translatio quid sit apud rhetores,* fol. 43. numero 1.
- Translatione utuntur non solum rhetores, sed etiã iurisperiti,* d. fol. pag. 2. reg. 7.

# INDEX.

- Translatiōe apud Iurisconsultos quid significet, d. loco, reg. antepen.*
- Translatio quid sit apud pontifices, fol. 44. pag. 2. à principio.*
- Translatio debet fieri de minori episcopatu ad maiorem, fol. 45. pag. 2. numero 7.*
- Trinitatis mysterium solum Deū habet doctorem, & ducem, fol. 8. pag. 2. reg. 17.*
- Trinitatis mysterium non potest homini naturaliter innotescere, fol. 13. num. 19.*
- Trinitatē in essentia unitate credere maximè est meritorium, d. fol. pag. 2. reg. 22.*
- Trinitatis mysterium in rebus creatis elucet, fol. 14. num. 20.*
- Trinitas dicitur summa, ad differentiam aliarum trinitatum, vel quia omnibus rebus maior, & prior est, d. fol. pag. 2. reg. 7.*
- Triumphantes habebant lous insignia, & faciem è Rubrica illinire solebant, vt esset coloris ætherei, fol. 4. reg. antepen.*

## V.

*Venditor rei vitiose, qui emptorem de vitio non admonuit, tenetur ad interesse extra rem, fol. 28. pag. 2. reg. 14.*

**AUTORES, ET VIRI, QUI SCRIPTIS, VEL DICTIS SVIS HVIC OPERI SYMBOLUM dederunt, Sacri, Theologi, Iurisperiti, Medici, Philosophi, Humaniores, Historici, Poetæ, Anonymi, Concilia, Constitutiones, ordine Alphabetico.**

¶ Sacri.	Paulus.	Caietanus.
<b>A</b> Pocalypsis.	Prouerbia.	Cano.
<b>E</b> cclesiasticus.	Sapientia.	Castro.
Esaias.	¶ Theologi.	Chrysostomus.
Euangelium Ioannis.	Æneas Syluius.	Cyrius.
Euangelium Lucæ.	Albertus Trotius.	Dionysius Areopagita.
Euangelium Matth.	Ambrosius.	Dionysius Carthusianus.
Exodus. Dawid.	Athanasius.	Driedonius.
Deuteronomium.	Augustinus.	Eusebius Cesariensis.
Genesis.	Bernardus.	Eusebius Paphlagon.
Leuiticus.	Bitontius.	
Numeri.	Boetius.	



# AVTORES.

Frācisgo de christo	Alexandrinus.	Immola.
Gerson.	Andreas Siculus.	Innocentius.
Gregorius I.	Angelus.	Ioannes Andreas.
Hieronymus.	Antonius de But.	Ioannes de Mōthe
Hilarius.	Antonius Augusti-	lono.
Iustinus Martyr.	nus.	Iodocus.
Ledesmius.	Archidiaconus.	Isidorus.
Lexicō theologicū.	Baldus.	Loysius de Castro.
Loysius de Sotto	Bartholomeus Phi	Lucas de Penna.
Mayor.	lippus.	Menochius.
Loysius Legionēsis	Bartolus.	Michael Crassus.
Nazianzenus.	Boerius.	Octavianus.
Nycenus.	Cardinalis Zaba.	Palatius Ruuias.
Nicolaus Diaz.	Card. sancti Xisti-	Parisius.
Nicolaus Hanap9	Cassadorus.	Pauinus.
Origines.	Chassanatus.	Perez.
Oforius.	Conanus.	Petrus de Biassio.
Prosperus.	Costalius.	Pinelus, numero 32.
Soto.	Couas.	in l. 2. 1. part. c. 1.
Tertullianus.	Curtius.	Quincinus Hadius.
Thomas.	Decius.	Rebuffus.
Victoria.	Dominicus.	Rochus.
¶ Iurisperiti.	Felinus.	Romanus.
Abbas Panormita.	Guibertus.	Sarmiento.
Aymon.	Hostiensis.	Syluester.
Alciatus.	Iason.	Symphonia iuris.

# AVTORES.

<i>Speculator.</i>	<i>Angelus Politianus.</i>	<i>Petrus Mexias.</i>
<i>Tiraquellus.</i>	<i>Aulus Gellius.</i>	<i>Plutarchus.</i>
¶ <i>Medici.</i>	<i>Autor libelli de disciplina scholarium.</i>	<i>Tranquillus.</i>
<i>Alexander Aphrodisiens.</i>	<i>Budæus.</i>	¶ <i>Poëta.</i>
<i>Galenus.</i>	<i>Calepinus.</i>	<i>Horatius.</i>
<i>Lossa Leiriensis Medicus.</i>	<i>Celins Rhodiginus.</i>	<i>Iuuenalis.</i>
<i>Nicolaus.</i>	<i>Cicero.</i>	<i>Loysius de Camoës.</i>
¶ <i>Philosophi.</i>	<i>Claudius Paradinus.</i>	<i>Ovidius.</i>
<i>Aristoteles.</i>	<i>Columella.</i>	<i>Persius.</i>
<i>Anaxagoras.</i>	<i>Erasmus.</i>	<i>Pindarus.</i>
<i>Annotationes in logicam.</i>	<i>Eustathius.</i>	<i>Sanazarus.</i>
<i>Maximus Tyrius.</i>	<i>Laurentius Valla.</i>	<i>Virgilius.</i>
<i>Mercurius Trismegistus.</i>	<i>Lucianus.</i>	¶ <i>Anonymi.</i>
<i>Philo Iudæus.</i>	<i>Macrobius.</i>	<i>Maria serenissima Parma Princeps.</i>
<i>Plato.</i>	<i>Pierius Valerianus.</i>	<i>Michael illustrissimus Alcoutini Comes.</i>
<i>Plotinus.</i>	<i>Pythæus.</i>	¶ <i>Concilia.</i>
<i>Seneca.</i>	<i>Plinius.</i>	<i>Canones Apostolorum.</i>
<i>Simonides.</i>	<i>Quintilianus.</i>	<i>Conciliū Coloniense.</i>
<i>Socrates.</i>	<i>Valerius Maximus.</i>	<i>Conciliū Tridētinū.</i>
¶ <i>Humaniores.</i>	¶ <i>Historici.</i>	¶ <i>Cōstitutiones.</i>
<i>Antonius Pinheiro episcopus Leiriensis.</i>	<i>Bartholomeus Casar.</i>	<i>Constitutio episcopus Conimbricēsis.</i>
	<i>Casar. (ranza.)</i>	
	<i>Historia tripartita.</i>	
	<i>Ilhescas.</i>	
	<i>Onuphrius Panuinius.</i>	

# DE HARMONIA R V. BRICARVM IVRIS

## NONICI PRIMA PAR



Ad rubricam de summa Trinitate, & fide catholica.

*Semper ego auditor tantum, nunquamné reponam?*



**L**ICEAT ENIM EODEM  
carmine vos affari modo, quo olim Phi-  
lippus noster Salmanticę auditores affa-  
tus dicitur. Cum nanq; rostra hæc om-  
nia iam diu sonent vocibus eorum, qui  
sunt simul nobiscum iuris peritiam professi, haud ineptè  
videri poterat nos silentij symbolum suscepisse, qui non  
solum non auderemus loqui, sed vicinis quoque canen-  
tibus taceremus. Qua de re interrogatus à quodã me-  
mini illud Platonis respondisse, qui Philedono cuidam  
eum objurganti, quod non minus in discendo, quam in  
docendo studiosus, ac sedulus esset, & quoad discipulus  
esse vellet, percontanti, quoad, inquit, meliorem, atque  
peritiorem esse me non pænitebit. Nam, quemadmo-  
dum nulla ætas sera est ad discendum, vt ex Theologis,  
Iurisconsultis, & Philosophis, Augustino, Pomponio, &

A Senc-

Seneca docet glol. in c. vlt. 38. dist. & vltra Roterodamū,  
 & Ciceronem citatū ab additione marginali in l. apud  
 Iulianum 20. ff. fid. i. commissarijs libertabus, notavi-  
 mus aliquando iuris peritorum libris operam dantes ex  
 Card. Hostiense in proœmio summæ nu. 1. & ad huma-  
 niores literas diuertentes ex Cælio Rhodigino lectionū  
 antiquarum lib. 11. c. 26. & dum in diuinis sacræ pagine  
 monumentis versaremur, ex Ecclesiastico c. 6. ibi, fili à  
 iuuentute tua excipe doctrinā, & vsq; ad canos inuenies  
 sapientiam: quemadmodum inquam nulla ætas sera est  
 ad discendum, ita nulla nisi sera apta, & nata est ad docē-  
 dum, vel docente Hieronymo in c. sic viue, ibi, multo  
 tempore disce, quę postmodum doceas, 16. q. 1. Verum,  
 vt academiæ institutis satisfaciamus, rumq; edum silen-  
 tium est, & quæ silentij tempore moliti sumus, in me-  
 dium proferenda. Atque vtinam labor hic noster secū-  
 dis procedat alitibus: fiet enim, vt ista, & similia musci-  
 tates, valetudinemque cum somno computantes, dies,  
 noctesque Plinianum in morem sapientiæ studio im-  
 pendamus. Nec nouus in nobis hic est animus ab eo  
 iam dudum tempore conceptus, quo in c. cum iam du-  
 dum, de præbend. Lectionem elaborauimus penè ex-  
 tēporaneam, quam nulla ope, nullis testibus clauso hos-  
 pitiolo, sed non clausis pontificum, & iurisconsultorum  
 libris intra trium horarū spatium chartis simul, & me-  
 moriæ

moræ mandauimus. Nunc Rubricatum Iuris Canonici Harmonia me vocat, quam meis humeris fortasse imparem suscipere prouinciam non dubitavi, ne, si in vna tantum ex illis, vt fieri solet, his sex mensibus immorarer, & tædio auditores afficeré, & dispersam, latèq; diffusam iuris peritiæ sciētiam in illius angulo pedè sistens vllò vnquam tēpore penetrandi conceptā vel à primis studiorū meorū incunabulis spē, & cōfidentiam amitteré.

**I** Rubricarum materiā explicanti, vt optim<sup>o</sup> seruetur ordo, primò occurrit dicere, quid sit rubrica, quosq; in iure effectus habeat. Scire enī, quid facias, & nescire, quo facias ordine, imperfectæ cognitiōis est, vt ex Ambrosio à doctoribus relato in Pandectarū proœmio, relatis à Chassan. in proœmio cathalogi ad fin. & ex multis alijs adnotauit Philippus noster in illa tā celebri, quam malè fortunata repetitione c. Scindite corda vestra, post principiū, Nosq; etiā didicimus ex optimo Rhetorices præceptore, quæ quidā ex poëtis Romanæ togæ gloriā vocat: lib. enim 7. c. 1. post multa, quæ de ordine eloquitur, nec, mihi, inquit, videtur errare, qui ipsā rerum naturā stare ordine putant, quo confuso peritura sint oīa. Neq; prætermittend<sup>o</sup> Boëtii<sup>o</sup> vir soluta orationē Ciceroni, ipsi Virgilio ligata proxim<sup>o</sup>, lib. de Cōsolatione philosop. 1. metro sexto, & ibi D. Tho. interpres: Philo iudē in diuinis, atq; humanis lris peritissim<sup>o</sup>, & tropologici, & alle-

gorici sacre scripture sensus acerrim<sup>o</sup> indagator, in opusculo de creatiōe principis, Chassan. vbi supra vers. quapropter, & 1. p. confid. 77. 3. p. confid. 5. vers. & vt dicit, & confid. 6. vers. Pharao, parte deniq; 12. confid. 3. Quinimō is est ordo, vt neque eius laus ab inordinato Accursio sit omiſſa, quem docet esse obseruādum in l. Nequidquam. §. obseruare verb. ordo. ff. de officio proconsulis. Consului itaque grāmaticos, consului iuris peritos: grāmaticis etiam sua apud nos est autoritas. Nam teste Quintiliano, quem proximē citauimus, nemo in maioribus eminet, quem minora deficient.

2 Rubrica, vt autor est Ambrosius Calepinus, quem Romanæ linguæ armarium vocare possumus, maiori fortasse iure, quam Tiraquellus, qui legalis scientiæ armarium Bartolum vocat in suis illis legibus connubialibus, illum doctrinæ orbem, quem Græci encyclopædiam vocant, maximē continentibus: est, inquam, Rubrica terra rubri coloris, qua fabri materiarij lineas ducunt, vt colligitur ex Columella à Calepino citato, & legimus aliquando apud Plinium, quem possumus naturæ bibliothecam non immeritō appellare, lib. historiæ naturalis, si benē memini, 35. c. 6. Minio proxima, & quæ alio nomine sinopsis dicitur. Quoniam vero librorū indices, & capita, terra hac rubra, seu minio notabantur, effectum est, vt per metonimiam Rubrica pro  
ipſis

ipsis librorum, seu legum titulis acciperetur, quemadmodum purpura pro rege accipitur ea de causa, quia regum est insigne, ut patet ex poëta Georg. lib. 2.

*Non illum populi fasces, non purpura regum flexit:*

Ex imperatore, C. de vestibus oloberis lib. 11. per totū, & l. fin. C. qui militare nō possunt, lib. 12. Sicut chlamys insigne est militum, stola sacerdotum, toga aduocatorum, habitus rusticorum, cuculla monachorum, gloss. verb. fibulis, C. nulli licere in frænis lib. 11. in l. vnic.

3 Hinc per iocum dici potest, & quidem verè, non habere Rubricas Codices illos, qui legum titulos, ut sæpe solet, non præterūt rubricatos, ut interim verbo sacræ scripturæ familiari utar. Exod. c. 25. 26. 35. 36. 39. quo etiam utitur doctissimus Pithæus lib. 1. aduersariorum successiuorum c. 16. quo loco inquit calciamentum imperatoris, quod apud Capitolinum Campagus regius dicitur, ex rubricatis constare pellibus. Habemus huius rei testem Satyricum Iuuenalem Satyra 14. per lege rubras maiorum leges, & Persium Satyra 5.

*Cur mihi non liceat, iussit quodcunque voluntas,  
excepto, si quid Masuri Rubrica vetauit:*

Masuri Rubricam pro lege posuit: Masurius enim nobilis fuit Iurisconsultus, cuius mentionem facit Aulus Gellius in suis illis noctibus, quas maxime candidas Po-

litianus vocat: Facit quoq; Pomponius in l. 2. ff. de origine iuris ad fin. Sed quoniã in hunc Persij versiculũ incidimus, obiter attendendum est non esse statim licitũ omne illud, quod per legẽ non prohibetur. Multa enim permittuntur, quæ potissima est legis virtus, Modestinus in l. legis virtus 7. ff. de legibus, Chryostomus in c. hac ratione 31. q. 1. c. duo mala, c. nerui ante fin. 13. d. quæ tamen nec licent, nec sine peccato fiunt. Lupanaria tolerantur, c. inter opera, de sponsal. deceptis intra dimidiam non succurritur, l. 2. C. de rescindenda, & alia id genus. Licet enim, qui secundum legem approbantem, seu præcipientem aliquid facit, iustẽ quidem faciat tam iure poli, quam iure fori ( vt usurpẽ Bernardi verba in c. quæ in ecclesiarum verb. constituerunt, de Constitut. quæ ille prius usurpauit ex August. in serm. 52. ad fratres Eremi, refertur in c. vlt. 17. q. 4. ) quemadmodũ probatur in l. iustẽ. ff. adquirend. possessione, l. is, qui agri mensorem C. de Sicarijs, philosophus lib. 5. Ethic. c. 1. & 2. Seneca lib. 6. & 9. declamationũ, quos refert, multas aliorum autoritates congerens, l. 9. connubiali in principio, literarum ille porcus, quem supra citauimus, Tiraquellus, quo nomine Varronem quidam appellabat Grammaticus, vt est apud Pierium: licet inquam, qui secundum legem approbantem, seu præcipientem facit, iustẽ quidem faciat: tamen, qui iuxta legis permissionem



missionem operatur, iure fori nec punietur, nec à malo  
permisso cogetur recedere, iure tamen poli & malum  
committet, & de malo commissio pœnas dabit: gloss. in  
c. inter hæc, 33. q. 2. Liceat ergo poëtæ, quidquid leges  
non vetarunt: nobis pro lege sit illud tantum licere, quod  
honestum est. Vtitur Rubricæ verbo idem Pers. Satyra. 1.

*Non secus, ac si oculo Rubricam dirigat uno.*

Hinc puto vulgarem poëtam lib. 1. Elegia 1. de tristi-  
bus librum suum alloquentem,

*Nec titulus minio, nec cedro charta notetur,*

Dicturum fuisse potius Rubrica, quam minio, si car-  
minis mensura pateretur. Nullius verò aures poëtarum  
testimonia offendant, quibus sæpe suas ipsi etiam Iu-  
risconsulti, ipsique pontifices leges decorant, quorum  
nos multa congestimus in nostris vtriusque iuris Mis-  
cellaneis, quæ Macrobij exemplo in procemio libri 1.  
Saturnaliorum, indistinctè, atque promiscuè ad me-  
moriæ subsidium annotamus, ex quibus aliqua, licet  
non omnia, legimus postea apud Chassan. in catha-  
logo part. 10. confid. 45. vers. quin etiam. Hæc de Ru-  
bricæ nomine, dummodo illud indictum non relinquam,  
quod ex alijs scribit Chassan. d. loco, 1. p. confid. 36. triū-  
phantes nepe habuisse Iouis insignia, facièq; è Rubrica  
illanire solitos, vt ætherei esset coloris. Videamus mo-  
do, quos Rubrica in vtroq; iure effectus habeat.

4 Auriga noster Panormitanus in proœmio Rex pacificus nu. 2. Rubricas authenticas esse dicit, & tanquam leges citari posse, vbi Additio verb. Rubricas, maximã laudat doctorum turbam, qui hac in re Abbatẽ sequuntur, illum tamen intelligentes in Rubricis, quæ orationem perfectã continent, qualis est Rubrica, vt lite pendente aliquid non innouetur, vt Ecclesiastica beneficia sine diminutione conferantur, nemini licere signum Saluatoris Christi humi, vel in filice, vel in marmore aut insculpere, aut pingere, & similia: Quod etiã probat gloss. 1. in c. hæc autem de pœnit. distinct. 1. gloss. similis in proœm. lib. sexti verb. titulis, gloss. in Rubrica, vt lite pendente, Ioannes Andreas receptus in Additionibus ad speculatorẽ 2. part. titulo de disputat. §. vlt. in fin. Pauinus de potestate capituli 1. part. q. 1. nu. 1. & cõmunem esse sententiam attestatur Ias. in Rubrica instit. de actionib. col. 3. Michael Craffus lib. 1. receptarum verb. statutum q. 1. relatus 3. tomo communium pag. 61. Philippus Decius in Rubrica de Constitut. 1. lectura nu. 50. Habet igitur Rubrica vim legis, & quemadmodum pro lege sumitur, vt superius probauimus, ita etiam pro lege allegatur, vt ex tot, tantisque viris & Additio ad Abb. alias quoque quæstiones excitans vbi suprã latẽ colligit, & nos etiam, dum variæ iurispe- ritorũ lectioni incũbimus, magna ex parte collegimus.

5 Quoniam verò summis iam, vt dicitur, labijs, quid sit Rubrica, quidque in iure possit, attigimus: Ad primam Decretalium Rubricam, ad illam inquam, quæ de summa Trinitate, & fide catholica inscribitur, deueniendum nobis est. Sed, cum huius Rubricæ explicatio ex arcano sacrosanctæ Theologiæ fonte petenda sit, ante omnia percontari libet, vtrum ius Canonicū aliquam cum Theologia communionem, & affinitatē habeat, debeatque Iuri Canonico inuigilans profundum summæ Trinitatis mysterium, quemadmodū & Theologus, perscrutari.

6 Et, vt rem multis ignotam altius repetamus, sciendum est Canonicum ius quadringentos per annos in Romana politia fuisse cum iure civili coniunctum, sicuti de coniunctione constat ex l. Iustitia .ff. de Iustitia, & iure, ibi, diuinarum. i. Canonicarū, patetque ex principio instit. eodem, vbi eadem verba repetuntur. Quæ tamen Accursius, quem Iodocus in exegefi subhastationum audet vberrimum iuris civilis appellare fontem, dictis locis verb. diuinarum, & verb. notitia, tam male percepit, vt vnoquoque verbo lapsus fuerit, vt videre est apud Budæum in l. i. ff. Iustitia, & iure fol. mihi 3. Nec illud eiusdem Accursij tolerandum est d. verb. diuinarum. Diuinarum, inquit ille, vt C. de summa Trinitate, & fide catholica, etcæt. quasi Vlpianus summæ

Trinitatis cognitionem professus fuerit, qui magister Serinij Alexandri principis fuit, & à catholica religione longè alienus, vt de alio agens eiusdem Accursij errore benè probat idem Bud. in d. l. & nos ex symphonia iuris, & alijs latius adnotamus in nostro Verri- culo glossarum, quod tenue adhuc, & exile aliquan- do iuuante domino ad iustum commentarij volumen perducemus. Æthnici nanque suos quoque pontifi- ces, suam pontificiam disciplinam habebant, suam religionem, suosque canones ad illam spectantes, vt constat ex titulo de religiosis, & sumptibus funerum, & similibus, & ex Chastan. in cathalogo 4. part. confid. 53. adducta l. 1. §. religionis causa. ff. collegijs illicitis. Hæc apud Æthnicos. Apud Catholicos verò Cano- nicum ius vsque ad Constantini tempora cum Theo- logia coniunctum fuit, ijdemque prorsus erant Theo- logi, & Canonistæ. Neque verò tunc excitari pote- rat illa quæstio, quam mouet Philippus Dec. in cap. Ne innitaris numer. 11. de Constitut. quibus sit nem- pé magis adhærendū doctoribus Canonum, an Theo- logis, & quinam sint potius ad episcopatum eligen- di. Vnde Cancellarius Parisiensis in opusculo de re- cōmendatione licenciandorum in decretis 2. part. suo- rum operum conclusione 10. cæcam sine theologiae subsidijs iuris esse peritiam ait, canonesque nihil aliud esse,

esse, quam conclusiones ex Euangelio, aut libris theologis deductas: quod videtur sensisse Concilium Toletanum relatum in c. Ignorantia 38. distinct. vbi, postquam dicit, Sacerdotes legere sanctas admonetur scripturas, statim addit, sciant ergo sacerdotes sanctas scripturas, & canones, quasi canones à sacris scripturis deriuentur, & ab illis non distinguantur. Postquam autem sacri pontifices non iam virtutibus tantummodo, quemadmodum olim sacerdotes iuxta Ænæ Syluij sententiam, sed opibus quoque, & potentia diuites, tribunalia, & iurisdictionem habuerunt, quod contigit fortunatis Constantini temporibus, diuortium fecerunt ius canonicum, & theologia, vtinam fecissent nunquam, & ficti antea sine theologia ius canonicum incedere non poterat, sic deinde sine iuris ciuilibus auxilio in publicum prodire nequijt. Inde natum est illud vulgare, Iuris Canonici sanctitas Iuris Ciuilibus subtilitate decoratur, Inde illud: quemadmodum ex philosophia, & medicina fit perfectus Medicus, ita ex legibus, & Canonibus fit perfectus Iurista, quæ cum multis alijs accumulatur. *Palat. Ruu. in Rubrica de donat. inter virum, & vxorem fol. 2.* Inde Romanus, si bene memini, in suis singularibus ausus est dicere, lex sine canone parum, canon sine lege nihil: quæ quidē oīa expēdēda sunt ad celebratum c. 1. de noui operis nūtiatione, c. 1. c. in adiutoriū, 10. d.

7 Propter hanc coniunctionem, quam ius Canonicum cum Theologia à felicissimis nascentis Ecclesie temporibus contraxit, ius diuinum à nostris adhuc pontificibus appellatur, vt in c. cum de diuersis, de priuileg. lib. 6. c. celebritatem, de consecratione distinct. 3. c. violatores 25. q. 1. docet pract. c. 31. nu. 1. vers. Tertia Toletanus Couarr. recentioris quidem ætatis, sed quem possumus non immeritò multis antiquioribus non æquare solum, vt de Francisco Ripa ait Tiraquel. de cessante causa 1. part. nu. 109. sed, liuor licet audiat, antepone. Nec id à nostris pontificibus impropriè, & lato modo fit, vt ille existimat, sed propriè, & stricto, vt ex Gersono cõprobauimus. Frustrà igitur tẽpus terunt doctores nostri, dum quærunt, vt videre est per Dec. in c. 1. nu. 3. de Constitution. an lex Canonica lex diuina dici possit: si enim ius Canonicum diuinum dicitur, & lex Canonica diuina dicetur, iuxta illud, qui vult antecedens, vult omnia, quæ sequuntur ex illo, habetur in c. quo iure 8. distinct.

8 Iuuant non parum nostram hanc, & Cancellarij sententiam adnotationes, quæ vulgò ex sapientissimis, & religiosissimis Societatis Iesu præceptoribus in vniuersam Logicam circumferuntur: In eis enim, vbi de arte, eiusque diuisionibus agitur, magna pars Iuris Pontificij ad Theologiam reuocatur, ea scilicet, in qua

ex ijs, quæ diuina autoritate nituntur, multa decreta sunt cum ad mores, tum ad fidei mysteria pertinentia. Cum enim canones propriè sint constitutiones editæ in concilio generali c. Nycena synodus 31. distinct. Archidiacon. cum alijs 3. dist. in summa, Dec. in rubrica de Constitut. col. penult. 2. lectura, Hostiens. in proœmio summæ nu. 13. & in Concilijs de rebus fidei vt plurimum agatur, rectè infertur ius canonicum theologiæ, quæ tota in rebus fidei versatur, maximam, & non contemnendam esse partem. Nec mirum: cum vel de scientia legali idem affirmet Lucas de Penna relatus à Chass. in Cathal. part. 10. confid. 22. Nec aliquis nobis vitio vertat, si adnotationes in logicam proferamus, qui logicam modo ipsam ab Ouo vsque ad mala repetere cõstituimus, quod, quoniam in publicis gymnasijs propter alia, quibus distincimur, studia, efficere non valemus, intra priuatos parietes, & sub priuato præceptore exordiri conamur, sequuti hac in re multorum antiquorum exempla, qui ex priuatis scholis in hac quoque academia egregij philosophi euaserunt.

9 Cum igitur ius nostrum Canonicum sacrosanctæ Theologiæ tam sit affine, imò ipsa aliquãdo fuerit theologia, mirum non est, si tantos in iure canonico & videamus, & audiamus fuisse illos, qui illud, quantum poterant, ad theologiæ fontes reducere conati sunt. Minimè  
necess;

necesse est exépla nimis antiqua, & obsoleta requirere. Horū in numero primas obtinens partes tu maximus ille es, Emmanuel Soares, quem nobis duobus ab hinc annis inimica tulerunt fata, qui primus nuda decreta theologiæ floribus decorasti, vt in publica repetitione maximum illum Loygium de Castro tuū & in studijs, & in obitu comitem de te canentē audiui, cuius autoritate illud ex quodā epigrammate circūfertur distichon:

*Agnoscent quem cana suum decreta parentem,*

*Nuda olim, at scriptis florida facta tuis.*

Vtinam tibi fineret immatura mors parere, quem de legibus parturiebas, tractatum: haberemus enim inter bibliothecas iurisperiti librum, cui non solum cum iurisperitis, quos manu confertos vocare posset, sed cum ipsis etiā theologis iusto Sacramento contendere liceret. Dijs aliter visum. Nobis veró, quibus semper in animo fuit sacrosanctæ theologiæ arcana penetrare, quod faxit Deus vt & aliquando facere possimus, dum Dialecticam, & Philosophiam perdiscere tentamus, ne in præclarissimo Theologiæ studio omni ex parte asymboli simus, propositū est scripturæ sacræ lectioni, quidquid temporis, per Pontifices, & Iurisconsultos licuerit, impertire, quod & iā anno præterito felicibus auspicijs inchoauimus, sub eo præceptore stipendia merentes, in quo virtutem cum sapientia, cumque ambabus nobilitatem,



tatem, tres potētissimas rerū dominas, cōtēdisse credā

10 Sed neque Henrici Cardinalis Hostiēsis in proce-  
mio summæ nu. 11. sententia prætereunda est. Cū enim  
ius canonicū primū cum Theologia, deinde cū iure ciui-  
li cohabitauerit, efficitur certē nostram hanc facultatē  
nostris iam tēporibus non purē theologicā, siue ciuilē,  
sed vtriq; adhærentē nomen propriū sortitam canoni-  
cā appellari, ob quā vtriusq; participationē eam oībus  
alijs scientijs antepōnit, vt ibi videre est. De excellentia  
tamen, dignitate, & subjecto vtriusq; facultatis Theo-  
logicæ, & Canonice, latē Chassan. in cathal. p. 10. cōfid.  
10. cum sequentibus, & confid. 17. cum sequentibus.

11 His breuiter constitutis, ad nostrā rubricā accedē-  
dum est, in qua, quid doctores nostri dixerint, vobis ex-  
promam, quid nos dixerimus, vos videbitis.

12 Imprimis Panormitanus n̄r, quē primō nō referre  
loco inter iuris studiosos nefas est, in huius rubricæ ex-  
plicationē altiora, & profundiora omittens solū exponit,  
quare trinitas sūma appelletur. Innocētius, quē Archi-  
diacon°, cūq; eo reliqui patrē, & organū veritatis appel-  
lant, de fide pauca agēs de summa trinitate ne verbum  
quidē. Dominic. Imm. & multi alij penitus obmutue-  
runt. Philippus Decius Mediolanensis, cū in decretales  
cōmētaria ederet, & illa quidē absq; dubiō doctissima,  
de hac tñ Rubrica non curauit, ac si ea inter decretales

non esset. Vnde Felinus Sandeus Ferrariensis vir alioquin doctissimus, & quem totum quidam Ecclesiasticus nostri temporis iudex se tenere memoria gloriatur, in eodē loco, loco, inquit, summarij diuiditur per doctores, cū quib' in materia ista tacitē transeo, quia sine perfecta Theologia expediri non potest: merito ipsā omitunt Dominic. & Immo. hīc nolentes mittere falcem in messem alienam, fortasse tam memores c. venerabilem de electione, hoc prohibētis, quam suæ credo professionis obliti illud eīst tanquam proprium iniungentis Sed quid ego hac in re doctores nostros audeam obiurgare? Imo, si benē expendatur, venia profectō digni sunt. Peruenerunt enim ad supremum fidei mysterium, & vt allegoria Nazianzeni in 2. oratione de theologia vtamur, peruenerunt ad summitatē montis fumantē, & coruscantem, ingressi sunt interiora nubis, penetralia diuinitatis. Nam mysteriū hoc trinitatis solū Deum habet doctorem, & ducem. Vnde D. Dionysius Areopagita c. 2. de diuinis nominibus vocat eam scientiam ignorationis, & in epistol. 5. ad Dorotheum diuinā lucem diuinam caliginē vocat, Diuina, inquit, caligo est inaccessible lumen, in quo habitare Deus dicitur, vt ex ipso Dionysio adnotauit præceptor meus, & dominus meus frater Loysius de Sotto Maior in Cantic. Cantic. c. 2. Sub illo vers. en ipse stat post parietem nostrū respiciens

eiens per fenestras &c. Mitto Ambros. i. lib. de fide ad Gratian. c. 5. nunc est, inquit, mihi impossibile generationis scire mysteriū, mens refugit, vox filet, non mea tantum, sed angelorū. Quod etiā vltra doctores Theologos, Philosophorum, Prophetarum, & Poëtarum testimonio facillimum est cōprobare. Nec enim ea tantū de Deo sententia apud Catholicos habetur autores, cū veteres iam philosophi huius rei tantā esse cum obscuritate coniunctam maiestatem præfererint, vt scientiam hanc non humano ingenio posse capi, sed diuino subjacere nutui existimarent. Ex philosophis igitur in hanc rem celebre est illud Simonidis testimoniū, quod ex Ciceronis de natura deorum libris, & ex multis alijs nos obiter attulimus in eo libello, quem quatuor ferme abhinc annis misimus ad Beatricē ducis Villarecēsis filiā in obitu Georgij fratris. Interrogatus enim ab Hierone Siciliae tyranno philosophus Simonides, quid, qualisue esset Deus: deliberandi causa sibi diem postulauit, cumque iterum ea de re esset inquisitus, biduum petiuit, cumque dierum numerū sæpius duplicaret, admiratus Hiero quæsisse fertur, cur ita faceret: quia, inquit, quantō diutius cogito, tanto obscurior res videtur. Ex prophetis nobilissimum habemus Esaiam c. 45. Verē tu es Deus absconditus, quæ verba, licet Eusebius Cæsariensis lib. 5. demonstrationis euangelicæ c. 4. & cum eo

plæriq; veteres Theologi de Deo secundum rationem  
humanitatis interpretentur, quis negabit de ipso Deo  
secundum rationem diuinitatis fore quoque intell gen-  
da? Ex poëtis nostrum habemus Lusitanum Lulya-  
dum 10. vbi de cęlestis globi descriptione agit, quem ci-  
tare non auderem, ni à Philippo nostro in libris de dis-  
ciplina militari citaretur. Nec ex philosophis omitten-  
dus est Maximus Tyrius ex Platonícorum Scholis, in  
cuius sermonibus dum aliquando versaremur, multa  
didicimus, quæ ad eruditionem, moresq; instituendos  
non parum conferunt. Is primum sermonem sic inscri-  
bit, quid sit Deus: Illum veró cum diligenter euoluere-  
mus, multó minùs, quam antea, quid esset Deus, asse-  
quuti sumus. Hæc omnia, quæ summatim attigimus,  
doctores nostros ab eo silentio, quo in huius Rubricæ  
explicatione vsi sunt, absolueri videri possent, ni Iusti-  
nus martyr in expositione fidei eos non parum condẽ-  
naret. Nec ideó, inquit, quia omninó comprehédi non  
potest Deus, idcirco de eo plané negligenter quærendú  
est, consumendumque omne vitæ tempus in otio, sed  
vnicuiq; pro eo captu, qui ei à domino concessus est,  
studiosè, ac diligenter exquirenda, comparandaque est  
scientia in tantum, vt eum certó cõprehendi non posse  
nobis persuadeamus. Imó veró, vt inquit Dionys. c. 3.  
de diuinis nominibus in fin. ipse diuinarú rerú optima  
præscrip-

præscriptio, qui ea, quæ supra nos sunt, ne curiosus in-  
quiramus, vetat, ea oïa, quæ nobis permiffa, & concessa  
sunt, tum diligenter discere iubet, tum benignè cū alijs  
cōmunicare. Autores, qui de hac materia agunt, sunt  
omnes ferè doctores sacri antiqui: Nam vel disputant  
contra Arium, cuius hæresis in Nyceno Concilio sub  
Syluestro, 1. & Constantino Magno damnata est, & ita  
agunt de processione filij, vel contra Eunomium, à quo  
Ætiani Eunomiani vocantur, de quo historia tripartita  
lib. 5. c. 13. & ita agunt de processione spiritus sancti, de  
quibus, alijsq; hæreticis latè agit c. quidam 24. q. 3. Tra-  
ctatus verò de Trinitate speciales composuerunt Atha-  
nadius, Hilarius, Syrillus, Ambrosius, Augustinus. Do-  
ctores scholastici in 1. sententiarum d. 2. & sequentibus.  
Et omnium nouissimus frater Franciscus de Christo  
ordinis Eremitarum diui Augustini, quem præceptorè,  
senèq; felicissimū, vt iuuetuti nostræ exèplo esset, vidi-  
mus prius ipsam vitā, quam palæstrā literariā omitten-  
tem, cuiusq; famam, eamq; clarissimam per omniū ora  
volitantē, ad omnèq; posteritatē perdurantē videbim⁹.  
13 Iam primū omniū satis constat, quam rectè ponti-  
fex Gregorius à Rubrica de summa Trinitate, & fide ca-  
tholica huius libri, quem Hostiensis in proœmio sum-  
mæ, quia quinque cōtinet, Penthateucum existimat de-  
nominari posse, exordiū inchoauerit. Non enī latuerat

Gregorium jx. sententia illa Gregorij I. non solum ob  
moralia commendati, vt ait gloss. in c. vt veterū verb.  
græci 9. dist. sed ob egregium Ecclesiæ catholicæ regi-  
men magni cognomen adepti: tunc, inquit Gregorius,  
fabrica robusta construitur, cum prius locus solidus, in  
quo poni fundamentū debeat, prouidetur. Cum enim  
principium rectum compar semper consequatur finis,  
vt tragici cothurni princeps Sophocles tradit, & cui-  
usque rei potissima pars principium sit, vt ait Iuriscō-  
sultus in l. i. ff. de origine iuris, ab eo, qui in Apocalypsi  
Ioannis vocatur Alpha, & Omega, principium sum-  
mus pontifex sumere debuerat, & ad hoc reducuntur  
ferè omnes rationes doctorum, quibus mentem pon-  
tificis in huius Rubricæ constitutione exponunt, vt vi-  
dere est per Abb. Hostiens. Card. & reliquos hîc. Deo  
nanque omnia tanquam domino subiiciuntur, & ad eū  
tanquam finē referuntur. Hinc Theologia cæteras sibi  
scientias subalternare dicitur, quia Deum cōcernit sub  
ratione Deitatis, sub cuius fine continentur fines alijs  
scientijs propositi, vt concludit frater Franciscus, q. 9. in  
prologum primi sententiarū concl. 3. & hæc vltra gloss.  
in Rubricæ continuatione hîc, & C. de summa Trinita-  
te, & in titulo de constitutionibus lib. 6. & alibi passim.

14 Gregorij vestigijs inhærens Bonifat. viij. & Cle-  
mens v. & Iustinian<sup>o</sup> imperator principio suorū operū  
speciales

Speciales titulos summæ Trinitatis nomine, & luce radiantes in lucem emiserunt: Rectèq; omnes de summa Trinitate, & fide catholica adiecerunt, quia, licet in rebus creatis aliquod sit Trinitatis vestigiū, vt inferius attingemus, perfectè tamen sacrosanctum hoc, & impene- trabile diuinitatis mysterium, licet viatoribus perfectè nunquam, non, nisi fide præuia tanquam filo dædaleo, percurri potest. Nam, quemadmodū ait episcopus Al- garbiensis, quem christianum Ciceronem vocare pos- sumus, sicuti de Lactantio ait Augustinus lib. 3. de Sa- pientia in principio, Vitæ nostræ principium fuit illa fi- des, qua patrem, & filium, & spiritum sanctum confes- si sumus. Nec enim, ne ab ipsius eloquio discedam, fa- tis ad caelestem lucem fruendam nobis fuit illo die fateri Deum infinita potentia, sapientia, & bonitate præditū, sempiternæ lucis originem, vniuersæ naturæ condito- rem, rerum omnium formas in se mirificè continentē, sed fuit etiam necesse, vt in summa naturæ diuinæ sim- plicitate trium personarum distinctionem nobis esse perpetua prædicatione celebrandam videremus. Hæc ille. Agitur verò de materia nostræ Rubricæ in c. qui episcopus 23. distinct. c. fin. de consecratione distinct. 3. c. pen. c. vlt. de consecratione dist. vlt. Agit & felix illud, & vulgatū Athanasij symbolū, quod aduersus nefanda sceleratissimi Arrij dogmata vir sanctissimus diuini nu-

minis radijs illustratus composuit, & modò inter virgini-  
nis matris officia catholicis omnibus quotidie colendũ,  
& recitadũ circũfertur. Habemus etiã cõfessionẽ cõcilij  
Syrmiensis sub Cõstantio imperatore, & Iulio pont. de  
quo historia tripartita lib. 5. c. 3. & multa alia, quę omitto.

15 Sũt sub hac nãa rubrica c. firmiter, & c. dãnã, quę  
cõposita fuerũt in concilio Lateranẽsi Maximo sub In-  
nocentio III. celebrato, anno salutis 1215. cui interfuit  
Hierosolymitanus, & Cõstantinopolitan' Patriarcha,  
Metropolitani 70. Episcopi 400. Abbates 12. Priores  
cõuentuales 800. Græci, & Romani imperij legati, Re-  
gũ verò Hierusalẽ, Frãciã, Hispaniã, Angliã, & Cypri  
oratores, quę capita referuntur ad verbũ per Barthola-  
meũ Carranzam in summa concil. sub actis Innoc. III.  
Caput verò, quod incipit, Fideli, & habetur de summa  
Trinitate lib. 6. compositũ est à Gregorio X. in Cõcilio  
generali Lugdunensi, quod etiã refertur ab eodem inter  
acta Gregorij. Caput deniq; , fidei catholicę, sub rubrica  
de summa Trinitate in Clemẽtinis, editũ est à Clem. v. in  
cõcilio Viẽnẽsi, vt est autor idẽ Carrãza in ei' vita, vbi de  
his, quę in hoc cõcilio tractata sũt, suo more sũmatĩ agit.

16 Sed hĩc dent iã Theologi veniã, vt in nãa Rubricę  
gratiã quęstiones aliquas excitemus ad illius ornatũ ap-  
primẽ necessarias: imò iuris periti paciẽter ferant, si ab il-  
lorũ castris discedẽtes in Theologorũ tentoria cõfugiamus,



mus, & sub Magistri, Thomæ, & aliorū vexillis parūper  
mitemus. Erit & suus statim iuris peritis loc<sup>o</sup>, ex his enī  
scopulis euagātes ad multa quā primū deueniemus, quæ  
nō nisi ex ipsis legū, & Iuriscōsul. fontib<sup>o</sup> exhauriēda sūt.  
17 Prima igitur occurrit quæstio, vtrū Deus hic, quem  
trinū prædicamus, Patrē, Filiū, & Spiritū sanctū, de quo  
hīc, lib. 6. & Clem. & alibi, Vnus tñ Deus sit. Et quoniā,  
vt inquit Plinius ad Vespasianū, benignū est, & plenū in-  
genū pudoris fateri, per quos profeceris, maloq; mutuū  
reddere, quā in furto deprehēdi, præceptorē habeo hui<sup>o</sup>  
quæstiois Fr̄ Franciscū 1. lib. Magistri d. 2. q. 1. Autoritate,  
& argumētis res agenda est. Firmiter, inquit Cōciliū La-  
teranū, credimus, & simpliciter cōfitemur, quòd vn<sup>o</sup> so-  
lus est verus Deus. Audi Israel, Deutero. c. 6. Dñs Deus  
vester Deus vnus est. Paul. ad Ephes. 4. Vnus Deus, vna  
fides, vnū baptisma. Nec solū Cōcilia catholica, & auto-  
res sacri hanc veritatē profitētur, sed eam etiam veteres  
theologi solo naturæ lumine illustrati agnouerūt. Empe-  
docles Agrigētinus, Mercurius Trismegistus, Plato, &  
Aristoteles, in alijs dissentientes, hac tñ in re vna voce cō-  
senserūt. Neq; desunt naturales ratiōes, quibus hoc ma-  
nifestū fiat. Si enī Deus est finis vltimus, ad quē oīa refe-  
rūtur, quis inde non inferat vnū dūtaxat esse Deū? Alio-  
quin, si plures cōstituem<sup>o</sup>, aut illi partialiter finalisāt, vt  
ita dicam, vt scilicet hæ res ad hunc Deū, illæ ad alterum

referantur: aut quiuis illorū æque est finis, ad quem referuntur omnia: si partialiter finalis, neuter est igitur Deus, utpotè qui non sit finis, ad quem referantur omnia, si quilibet ex illis vltimus est finis, alter superuacaneus est. Huc vsque fratrem Franciscum transcripsimus eadè quidè sententia, eloquio tamen multū impari. Hebraeus verò Philo, qui mihi vnus instar multorum est, in lib. de confusione linguarum paucis, sed maturis verbis hanc sententiam confirmat: Illud, inquit,

*Multos imperitare malum est, Rex vnicus esto,*

Non ad ciuitates, & homines magis pertinet, quàm mundum, & Deum. Vnus igitur solus est verus Deus, quem confessa est hactenus, confitetur, & credit Ecclesia Catholica, cuius vna, & singularissima natura communicata est diuersis personis, quarum quælibet etsi sit Deus, non tamen sunt multi Dij, quia Deitas ipsa in illis multis minimè diuiditur, aut multiplicatur.

18 Adnotandum tamen obiter est rectè Conciliū in nostro c. firmiter dixisse, vnus est: non est enim alia vox, quæ proprius accedat ad explicandam diuinam naturam iuxtà verba Exod. c. 3. ego sum, qui sum, & iterum, qui est, misit me ad vos. Et c. 20. in promulgatione decalogi, ego sum dominus Deus tuus, & illud Ioann. in Apocalypsi relatū ab Hieronymo in prooemio cōmentariorū, quos scripsit in Matt. Dominus Deus omnipotens, qui  
erat,

erat, & qui est. Quam vocé propriū esse Dei omnipotentis nomen, si Dei nomen aliquod propriū esse potest, satis perspexit meus Philo, diuinę naturę scrutator maximus: vbi cunq; enim Dei mentionē facit, illū non alio nomine, quam hac voce, Qui est, appellat, vt videre est lib. 2. legis allegoriarum, lib. 1. lib. 3. de vita Mosis, lib. Quod Deus sit immutabilis, & vt omittam alia eiusdē loca, lib. Quod deterius potiori insidiari soleat, vbi verba illa, ego sum, qui sum, more suo sapienter exponit: Satis etiam perspexit diuus Bernardus clarissimus Clareuallensis Abbas lib. 5. de consideratione, habeturque inter ipsius flores lib. 1. c. 1. Et rectē, cōprehendit enī hoc verbū tam præteritū, quam futurū tempus, l. verbū erit, vbi Alciat. ff. de verb. signifi. qua de re videndus quoque Ioannes de Monthelono conciuis, & contemporaneus Chassanxi, quē ille in Cathalogo in vigesimo, & secūdo anno doctoris insignia cōsequutū gloriatur, in suo Iuris Promptuario verb. est. Explicat optimē Coloniēse Cōciliū in proœmio præcepti Deum vtī hac voce, vbi suā maiestaté vult insinuare. De Deo denique, & de epithetis, quibus in sacra pagina, & à doctoribus sanctis Deus exornatur, euoluendus cōciuis, & contēporaneus Montheloni in d. Cathalogo 3. part. confid. 1. vers. sed etiam aduertendum est, & latissimē part. 12. à principio.

19 Altera verò quęstio, quę exoriri potest, illa est, vtrū

mysteriū Trinitatis possit homini naturaliter innotescere. Cui tamen quæstioni negatiuè respondendū esse & Augustinus docet, & Gregorius suadet, & Paulus cōuincit. Inuisibilia Dei, inquit Paulus ad Roman. i. ex ijs, quæ facta sunt, intellecta conspiciuntur: atqui ex effectis Dei perspici, & inuestigari non potest diuinitas, vt in tribus personis distinctis existens; non est igitur vnitas diuinæ naturæ in trinitate personarū naturaliter cognobilis. Augustinus epistola 3. ad Volusianum de verbo incarnato differens, si ratio, inquit, quæritur, nō erit mirabile, si exempla poscuntur, non erit singulare: at in ijs, quæ nobis diuinitus ad credendum sunt proposita, Trinitatis mysterium est longè admirabilius, longèq; rarius, & ab ijs, quæ sensu percipimus, longè remotius, nulla igitur explanari ratione, nulloque demonstrari exemplo potest. Gregorius homil. 26. in euangelium, fides, inquit, non habet meritū, cui humana ratio præbet experimentum, ex quo efficitur hominē assentiendo articulo Trinitatis, si humana ratione in eius cognitionem deuenire posset, nihil meriti apud Deū adquireturum, cuius tamen contrarium falsum est, cum trinitatem in essentiæ vnitate credere maximè sit meritorium, iuxta illud D. Bernard. lib. 5. de considerat. scrutari temeritas est, credere pietas est. Quapropter rectè inquit Aeneas Syluius, cui legitima piscatoris successio

sio Pij secundi nomen dedit, vt refertur inter apoph-  
regmata, quæ ab Ilhescas in eius vita in historia pon-  
tificiali recitantur, in sanctissimæ Trinitatis mysterio  
non quid rationibus probari possit, sed quid Ecclesia,  
eiusque caput Christus docuerit, attendendum esse.  
Rectè etiam D. Bernard. lib. 5. de considerat. quærit, in-  
quit, quis, quomodo hoc possit esse, sufficiat ei tenere  
sic esse: non hoc rationi perspicuum, sed fidei persua-  
sum. Vnde & meritò noster pontifex de summa Tri-  
nitate, & fide catholica Rubricam inscripsit, non, de  
Deo, & fide catholica: nam inter illa, quæ de Deo fide  
duce prædicamus, hoc est singulare, & proprium fidei  
catholicæ, vt Trinitatè in vnitatem, & vnitatem in tri-  
nitate veneremur, sicuti ait Athanasius in suo symbo-  
lo: alia nanque, quæ de Deo profiteamur, nobis, & alijs  
communia reperiuntur, veluti, quòd Deus sit vnus,  
æternus, omnipotens, & similia, quæ etiam Iudæi, &  
Agareni, Sarracenorum nomen sibi indignè vsur-  
pantes, non dissententur. Vnde ad designandum pro-  
prium, & singulare fidei Catholicæ dogma, non di-  
xit, de Deo, sed, de Trinitate, vt tangit Cardin. Zaba-  
rella hïc.

20 Sed estò nõ sit sacrosancta Trinitas homini natu-  
raliter cognobilis, sciscitari libet, vtrum in rebus creatis  
aliquod sit Trinitatis vestigium. Et proculdubio summe

Trini-

Trinitatis mysteriū creatis in rebus elucere multis ostēditur rationibus, quas frater Franciscus vbi supra d.3. q. 4. doctissimè, & elegantissimè exponit, & nos, qui breuitati studemus sequuti illud vulgare, gaudent breuitate moderni, consulto hoc in loco prætermittimus. Hinc defendi potest Abbatis interpretatio, qui ad differentiā aliarum trinitatum summam hęc Trinitatem appellari putat, quamuis arrideat magis Hostiensis, qui summam dici arbitratur, quia oībus rebus maior, & prior est: Nam iuxta Isidor. 10. Ethymologiarū dicitur summa, quasi suprema, quia supereminet: & dicitur Trinitas, quia sunt tres personæ in vna essentia, sicut etiam memoria, intelligentia, & voluntas sunt tria, & tamen sunt vna mens, seu anima humana: ex quibus memoria, vt inquit Chassan. quo loco à nobis sæpius citatur, 5. part. confid. 31. vers. 30. tria lilia, representat patrem, intelligentia filium, voluntas Spiritum sanctum. Hinc refellitur error Sabellij personarum distinctionem auferentis, dicentisque, Patris, Filij, Spiritus Sancti vnā esse essentiam, vnāque personam, solumque differre nominibus. Pungit Card. hic num. 2. habetur in d. c. quidam 24. quæst. 3.

21 Hoc forsā Trinitatis vestigio ductus diuinus Plato sacram Triadem videtur agnouisse. Nam in epistola scripta ad Dionysiu tyrānū, iurādū esse putauit per tres, nempe

nempè patrem omnium, cuius gratia sunt omnia, & in quo sunt omnia, & per secundum, & tertium: Cumque iuramentum interposito numine fieri consueuerit, ut potè quod sit assumptio nominis diuini ad confirmandam iurantis fidem, ut ex August. Cicer. multisq; alijs docet Couar. in c. quamuis pactum 1. part. in principio, optimè consequitur Platonem censuisse tria esse diuina numina cultu, & pietate dignissima. Nec aliquis obijciat Socratem ad Platonem interdum per Canem iurare solitum potius, quam per Deum, aut diuinam religionem, ut patet ex Gorgia, & notauit ex præceptore meo vbi supra in vers. adiuro vos filiæ Hierusalé. Id etenim faciebat, ne per Deum, aut per numen diuinum temerè iuraret, neq; illud iuramentum dici poterat. Nec enim per aliud, quam per Deum iurare licet, ut constat ex c. etsi Christus, de iure iur. Platonem hac in re sequutus est Plotinus nobilissimus ex ipsius Academia philosophus, quemadmodum autor est Eusebius Pamphylus de præparatione euangelica lib. 11. Subestq; mihi diuinam hanc diuini Platonis sententiam consideranti illud Augustini de Ciuitate Dei, qui Platonè ait paucis immutatis Christianum esse. Nec Coelum omitto multiplex illud antiquarum lectionum opus Platonis encomijs ad coronidem perducentem, satisque probantem, quam sint illius dogmata à Christi placitis haud dissimilia.

milia. Sed nos, qui iuris scientiam profiteamur, inter cuius præcepta illud præcipuum recensetur, suum nempe unicuique tribuere. §. Iuris præcepta instit. de iustitia, & iure, dum hanc laudem Platoni tribuimus, suam quoque Mercurio Trismegisto non auferamus, qui verbis illis celebratissimis, Monas genuit Monadem, & in se suum reflexit ardorem, unum patrem, unum filium, & unum utriusque amorem ardentissimum, qui est Spiritus sanctus, obscure, sed sapienter significauit. Nec illud hoc in loco prætermiserim, quod refert Cœl. lib. 1. c. 19. interrogatum Anaxagoram, quam se ob causam natum existimaret, cœli, ac solis videndi causa respondisse. Quam vocem, ut ille inquit, cum admirentur philosophi, irrideat Lactantius, rem altius expendens diuinum aliquid præsensisse paucis illis verbis Anaxagoram cõperiet. Etenim in perenni, ac vitali illa luce, augustissimum Trinitatis mysterium deprehendet facile, qui volubile illum motum ad patris potestatem, lucem nitidissimam ad filij sapientiam, calorem suauissimum ad Spiritus diuini amorem referat. Magnam denique ultra alios in hac quæstione partem sibi vendicat Chassan. qui in Cathalogo, 3. part. confid. 5. per ordinem angelorum, confid. 16. vers. 80. per lapides capiti Iacobi appositos, part. 12. confid. 8. vers. vel etiam, per ipsum solem Trinitatis mysterium designari luculenter explicat.



22 Hæc de summa Trinitate dixisse sufficiat, illa omnia omittens, quæ per tres, & triginta distinctiones frater Franciscus, per integrum librum de Sapientia tertium Hieronymus Oforius, vterq; doctissime, vterque eloquentissime profequitur. Ad fidem catholicam accedamus, de qua doctores nostri fusius, quam de summa Trinitate, disseruerunt.

23 Verbi fidei acceptio varia, & multiplex est: patet apud Lexicon Theologicum verb. fides, apud gloss. Abb. Card. Hostiens. & reliquos hinc. Sed, ne longius diuagemur, fides, prout hinc accipitur, definitur ab Apostolo ad Roman. 11. per substantiam rerum sperandarum, argumentum non apparatum. Hæc Apostoli definitio apta, & perita est: ea tamen à nostro Bernardo duobus oppugnatur fundamentis, quibus ille constrictus in eas redactus est angustias, vt perfectissimam Apostoli definitionem, definitionem esse denegauerit. Primum, quo tortus est Bernardus, argumentum illud est, quod hæc definitio non conuertitur cum suo definito, aliisque præter definitum conuenit contra Dialecticorum definitiones, & Iurisconsultum in l. 1. §. dolo, ff. de dolo. Ait enim etiã spem esse substantiã sperandarũ rerũ. Secundum argumentũ est, quod fides cõprehendit præterita, præsentia, & futura; Credimus enim, & cõstanter credimus Christũ fuisse natũ, & passum, credimus etiã ipsum esse

esse in sanctissimo Eucharistiæ Sacraménto: definitio autem apostoli de futuris tantum loquitur, ibi rerum sperandarum. Hæc sunt arguméta Bernardi. Abb. in præfenti, Card. Hostiens. & alij, Pauli tuentur definitionem: quibus nos partim adhærendo, partim aliquid addendo definitioné dignam Apostolo, & dignam doctore gentium ostendemus. Ille est enim Apostolus Paulus, quem nunquam de manibus deponeremus, quod sibi, postquã semel Horatium legerit, contigisse fatetur Erasmus in Ciceroniano, si arcanos, & absconditos eius sensus penetrare, & introspicere possemus. Vnde memini me audisse à Bartholameo Philippo sene omniũ doctissimo, cuius domum omnibus literarum studiosis semper patentem velut literarum oraculũ adire soleo, tria P, propter sui obscuritatem ab academijs esse exacta, Paulum, Platonem, Plinium. Verbum itaque, pro quo apud Paulum vulgatus interpretis vertit, substantia, apud Græcos significat fundamentum, & basim. Fides enim basis, & fundamentum, & quasi radix, & semen quoddam est rerum sperandarum, hoc est, nostræ religionis, & æternæ beatitudinis. Nam, vt idem ait Apostolus, accedenté ad Deum oportet credere, quia est. Rerum sperandarũ adiecit apostolus, vt significaret spem comitem quendã perpetuum, & individuũ, & intrinsecum esse fidei christianæ, ac theologicę ita, vt neutra harũ duarũ virtutum

ab altera separari possit saltem de lege. Quæ verba legi ego aliquando in responso, quod manu propria scriptum ad quandam consultationem præceptor meus frater Loyfius emisit, & ad nostras discendi, ut cum Philone loquar, auidissimas aures peruenit. Hanc theologiam videtur quoque præsensisse egregius, mihi que admodum familiaris Neapolitanus poëta, qui primus omnium musas piscari docuit, & in Arcadiæ nemore Pana ipsū Arcadiæ Deū hetrusco carmine superauit, in suo diuino de partu Virginis poemate lib. 3. sic enim cum fide spē cōiungit.

*Rectus amor, quem nuda fides, spesque inscia luctus*

*Vadentem, mira Unanimes pietate sorores*

*Observant.*

Verbum autem argumentum in definitione positum apud Græcos conuictionem significat: per fidem enim, quemadmodum per demonstrationes mathematicas, cōvincimur, nobisq; persuademus gloriam esse, passum fuisse Christum, etc. In cuius confirmationem satis sic adduxisse illud, quod adnotauimus apud Bud. in adnotat. ad Pandectas in l. 1. §. quod ait prætor, ff. seruo corrupto, contendentem cum Valla persuasionem proprie vocari posse, quam latini christiani fidem, græci πίστιν appellant, hoc est, certam quandam opinionem, & sententiā, quam nobis persuasimus: in quo significatum fidem latinè derivationem certam non habere, sed græcorum imitatio-

ne usurpatam ab antesignanis fidei christianæ, qui verbum aliud, ut ille inquit, significantius esse nullū existimabant. Non apparentium addit Paulus, hoc est, rerum nobis ignotarum, quæq; extra nostrū intellectum sunt, sub quo verbo, velit, nolit noster Bernardus, cōprehendūtur præterita, præsentia, & futura. Passio enī Christi res est non apparēs, hoc est, non nota nobis, iudæis quidem scandalum, Græcis autē stultitia, quæ eiusdē Pauli verba elegantissimè, & sapientissimè exponit Christianus Cicero in libris de Sapiētia. Nec enim satis cognoscere possumus, quo pacto Deus hominē induere posset, quod vocat Bernardus abyssum imperscrutabilem, & ex īmortali mortalis redditus ignominiosam subierit Crucis mortem. Præterea sacratissima, & realis ipsius existētia in sacrosancto altaris Sacramento res est non apparens, hoc est, humanum intellectum, humanamq; scientiā longè superans. Ecce quam facilè Bernardi vitantur argumenta. Non enim est spes substantia rerum sperandarum, quia non est basis, & fundamentum: non includit hæc definitio solum futura, cum & præterita, & præsentia sub verb. non apparentiū cōprehendantur. Valeat ergo Bernardus cum sua opinione.

24 Hæc fides, quæ ab Apostolo ita definitur, Catholica appellatur. i. vniuersalis, quia vbique vna, in omnibus vna, atque vna super omnia, quemadmodum Ec-

clesia vocatur Catholica, quod protendat palmites suos in quælibet loca, & tempora, vt colligitur ex Couarr. lib.4. Var.c.14. num.10. Dicitur etiam Catholica tum propter præcepta vniuersalium regularum, tum, quia eius cultus per omnes ferè mundi fines emanauit iuxtà illud Hymnographi Ode 18. in omnem terram exiuit sonus eorum, relatum à Paul. ad Roman.10. & à Nicolao III. in c. fundamenta, de electione lib.6. & à Leone in c. ita dominus, 19. distinct. Quod secus est in hæreticorum erroribus, qui certis terrarum angulis coarctantur. Nam iuxta Isidorum 8. Ethymolog. græci vniuersale Catholicum vocant, constatq; ex Quintilian. lib.2. c.14. Est etiam apud Medicos Catholici medicamenti mentio. Qua de re cum proximis vacationibus confulerè Loffam nostrū, clarissimū Leiriensis ciuitatis Medicū, & Philosophum, non minus iudicij acumine, & literarū splendore, quam vsu, & experiētia præstantissimū, quodlibet medicamentū, quod vniuersaliter purgat oēs humores, si quod illud est, à medicis barbaris Catholicū dici nobis ostendit: Neq; enim apud bonos medicinæ autores huius vocabuli mentionem reperiri, licet apud Practicos hodie in vsu sit, & ipse repererī apud suum Nicolaum in Antidotario fol. 251. Nemini autem nouum sit, si iurisperiti medicos in testimonium adhibeamus, quos videmus in ipsis Iurisconsultorum responsis

sæpissimè laudari, vt ultra alia à Chass. adducta in catha.  
part. 10. confid. 43. patet in l. septimo mense .ff. de statu  
hominum, quo in loco Paulus Hippocratis vtitur te-  
stimonio, & meritò, cum Hippocratis proprium sit se-  
cùdum Macrobius lib. 1. de somnio Scipionis c. 6. tam  
fallere, quam falli nescire: ad cuius legis ornatum viden-  
dus idem Chass. part. 12. confid. 8. vers. in septimo mèse.  
25 Cum itaque catholici nomen fidei christianæ, &  
Ecclesiæ proprium sit, & nomen debeat esse consonans  
rei. §. est & aliud, instit. de donat. meritò Hispaniæ re-  
ges, qui fidei Christianæ pugiles, & Ecclesiæ Romanæ  
protectores sunt, Catholici nominantur. quod, vt puto,  
originem sumpsit à Ferdinando, & Isabella, fortunatis  
Aragonæ, & Castellæ regibus, qui primi reges Catho-  
lici sunt appellati, vt constat ex Chronicis: quemadmo-  
dum etiam reges Franciæ Christianissimi nuncupantur,  
vt latissimè prædicat Chass. 5. part. confid. 30. cù sequē-  
tibus, & part. 12. confid. 17. qui, dum Francorum gloriã,  
Francosq; reges supra omnes alias nationes, supra om-  
nes reges extollit, nec malus, vt de Poggio inquit Syn-  
cerus, est ciuis, nec bonus historicus. Absit tamen, vt in-  
ficias eam Christianissimi titulum omnibus alijs ante-  
ponendum, vt habetur inter sanctissima Mariæ serenis-  
simæ Parmæ principis, filiæ Eduardi Infantis Portugalliæ,  
monita, quæ inter eius scripta inuēta sunt, & typis edita

Italo sermone circumferuntur, vbi Margarita pro Maria vitiosè legitur, quibus foemina illa præclarissima cælestem in terris vitam agens suam ad cælestem patriam vitam dirigebat: Monebat enim se ipsam, vt quotidie memoria repeteret nullum sibi illustriorem esse titulū, quam Christianæ, atque ideó operam daret, vt, cum necesse foret, relinqueret potius omnes alios, quam vel minimis in rebus Christianæ nomini deesse. Nec ignoro ab hostibus olim nostris Chrestianos, non Christianos dictos fuisse nos, Christumque ipsum Chrestū impiè, & nefariè vocatum, vt constat ex Tranquillo in vita Claudij, & Tertulliani apologetico relatis à Pythæo lib.2. aduersariorum successiuorum c.3.

26 Et quoniã quæstiones alias, quas hîc doctores excitant, quot sint species fidei, quot articuli, quæ poenæ non credentium, & quod præmium catholicorum, ex glossa, Abb. Hostiens. Card. & alijs definire quilibet potest, cum aliò properanti multa sint dissimulanda, vltèrius non progrediemur.

*Nanque hæc ipse equidem spatijs disclusus iniquis  
Prætereo, atque alijs post commemoranda relinquo.*

Liccat hæten<sup>9</sup> theologum egisse, vocat enī iã nos rubrica de cõstitutionibus, vbi iurisperiti personã induemus.

¶ AD RVBRICAM DE CONSTI-  
tutionibus.



**V**ONIAM RUBRICAE, UT  
ait Card. ad Rubricam de summa Trinitat. in prin-  
cipio, ordine quenda, & conexione, consonan-  
tiaq; inter se habere, atq; efficere debet, ita, ut titulus conse-  
quens autore Dec. hic nu. 1. ad precedentem trahendus sit, &  
precedens ad consequentem, ut sic efficiatur linea illa Rubri-  
carum, quam Margaritarum lineam iure optimo appellare pos-  
sumus, haud immerito doctores nostri, hinc inde circumsunt  
harmoniam huius tituli cum titulo antecedente investigantes.  
Bernard. hic tale affert continuationem: Inquit enim potest tra-  
ctaturum de iure de summa Trinitat. tanquam capite, & fundame-  
nto prius egisse: & quia ius omne ex scripto, vel ex non scrip-  
to venit, in hac rubrica ab scripto tanquam certiore, & no-  
biliore incepisse: haec est Bernardi continuatio. Haec & pla-  
cet, & iisdem fere verbis repetitur ab Abb. hic, hac ample-  
ctitur Card. licet aliam quoque ex Gothfredo superaddat.  
Omitto alios. Philippus tamen Dec. hic 1. lectura ab ea disce-  
dit, duobus ductis argumentis, quae non est nostrum referre. Est  
autem duplex ipsius continuatio: vel, inquit ille, dici potest actu-  
rum de iure scripto pontificum, quia dignius, nobiliusque videri esse  
scriptum de Deo ius ratione subiecti iuxta ea, quae ait Chass.  
in cathal. p. 10. confid. 10. dum de theologia loquitur, ab  
eo ante omnia in Rubrica de summa Trinitat. exordium sumpsis-  
se iuxta doctrinam eiusdem, quae digniora, & nobiliora do-  
cet esse praeposenda, 1. part. confid. 38. conclus. 7. & reg. l. 1.



& 2. ff. albo scribēdo, vel, & hęc est secūda Decij cōtinua-  
tio, postquam de summa Trinit. pontifex, quæ ab oībus  
debent teneri, superiori titulo præmisisset, ad Canones  
modo, qui ab oībus quoq; sūt obseruādi, descēdisse. Sed  
de his satis multa. Restat enī longū maris æquor arandū.

2. Quo pacto apud bonos autores accipiatur cōstitutio  
ex Calepino, & alijs videre est: quid aut apud Iuriscōsul-  
tos, & pōtifices importet, doctores hīc latè explicāt. Su-  
mitur enī aliquādo cōstitutio pro eo, quod princeps per  
epistolā cōstituit, vel cognoscēs decernit, §. sed & quod,  
& §. sequēti, instit. de iure naturali, gent. & ciuili, c. Cō-  
stitutio 2. d. l. i. ff. de Cōstitut. principū, l. vlt. C. legibus.  
Sed hęc stricta cōstitutiois acceptio nihil ad nos. Vsur-  
patur itaq; hoc in loco generaliter, & pro omni iure, siue  
illud à superiori, siue ab inferiori cōstituatur, dūmodo in-  
ferior cōdēdi ius, & cōstitutioēs potestaté habeat: & hoc  
in cōfesso est. Nec enī in hoc titulo solū agitur de Cōsti-  
tutioibus Cōcilij, vt in c. 1. non itē de cōstitutioibus tātū  
sūmi pōtificis, vt in c. 2. sed de statutis etiā inferiorū, vt in  
c. Cū M. licet dici possit de cōstitutioibus solū sūmi pō-  
tificis agi, quæ statuta Cōciliorū, decreta inferiorū, dicta  
sanctorū approbāt, & interpretantur. Et quāuis Abb. in  
proœmio nu. 5. Constitutionē Ecclesiasticā modo cano-  
nē, modo decretū, modo decretalē epistolā, modo dog-  
ma, modo sanctionē, modo mandatū, modo interdictū

vocari doceat, & suam inter quodlibet ex his differentiam constituat, quam constituit etiam Dec. 2. lectura à num. 16. hæc tamen omnia hoc in loco sub verbo constitutionis comprehenduntur.

3 Vnde autem cōponatur constitutio, labor est Abb. hîc num. 2. Hostiens. eodem nu. Dec. 1. lectura num. 15. Felin. 1. Sed nos id grammaticis relinquamus, dummodo illud pro certo sit legem quamlibet ecclesiasticam constitutionem appellari. Et quoniam in legis mentionem incidimus, & hoc est, quod primo loco per constitutionem in nostra Rubrica designatur, non abs re erit, quid sit lex, & quæ eius virtus perscrutari, in quo etiam multus est Hostiens. hîc num. 11. Eius nanque laudes, & præconia relinquemus Chassan. in Cathal. part. 10. confid. 20. Res agenda est cum c. consuetudo 1. distinct. desumpto ex Isidor. lib. 5. Ethymologiarum: lex erit omne, inquit, quod & ratione constiterit dūtaxat, quod religioni conueniat, quod disciplinæ congruat, quod saluti proficiat. At, si hæc tria verba religionem, disciplinam, & salutem intelligamus, aptissimam quidem ex illis legis definitionem constituemus. Quod si mitamus glossarum nostrarū interpretationes, & ad Card. sancti Xisti d. c. num. 10. cum sequentibus recurramus, per religionem cultum diuinum, per disciplinam pacem, & concordiam reip. per salutē ipsam animæ salutē designa-

designari edocebimur. Erit itaq; lex, ordinatio rationis in bonum commune ab eo, qui curam gerit communitatis, promulgata: quæ definitio fulcitur authoritate D. Thom. 1. 2. q. 90. art. 4. Etenim, ne subditi à natura procliues ad malum c. omnis ætas 12. q. 1. Auth. de Monachis. §. & dum triennio in fin. & habetur Genes. cap. 8. propriæ voluntati relinquerentur, necessum fuit, vt in omni rep. norma aliqua, seu regula proponeretur, quæ subditorum actiones in bonum eiusdem met reip. ordinaret. L. 2. ff. de leg. ibi, & secundū hoc regulā esse iustorum, vel iniustorum. Vnde Pindarus legem mortalium reginam vocat. Cum autem hæc ordinatio tribus modis cōtingere posset, promissione, precibus, & præcepto, & primo quidem modo ordinetur quis à se ipso, c. qualiter, de pact. secundo dominus à subdito, nec enim solent aliter flecti à subditis domini, quam precibus, l. vniuersis, & per totum C. de precibus imperatori offerendis, tertio subditus à superiore, c. quid ergo 11. q. 3. Tho. 2. 2. q. 81. art. 1. Sot. lib. 7. de Iustitia, q. 1. art. 2. col. 3. & pen. Rectè efficitur, cum ordinatio subditorum in bonum reip. fiat ab eo, qui curam gerit communitatis, non aliter, quam per imperium, seu præceptum fieri posse.

4 Hæc de definitione legis. Ipsius autē virtus describitur in l. legis virtus. ff. de legibus, vbi quatuor actus ad

Virtutem legis spectantes Iurisconsultus ponit, imperare, punire, vetare, permittere. Nec audiendus Castr. lib. 1. de lege poenali c. 9. quintum addens, nempe præmiandi, minimè aduertens actum illum sub permissione contineri. Quam rectè autem Iurisconsultus quatuor actus constituerit, ex eo constat, quòd, cū lex regula sit, & norma nostrarum actionum, per quam illæ omnes in bonū reip. diriguntur, & actiones nostræ sint in triplici differētia, nēpè bonæ, malæ, & indifferentes, vt optimè ex Aulo Gellio lib. 2. c. 7. explicat Chassan. part. 11. confid. 16. vers. & argutius, necesse erat totidē quoq; esse modos, quibus eadē actiones per legem præciperentur, vt scilicet bonæ quidem præcipiantur per actum directū, qui est imperare, malæ per actum contrarium, qui est vetare, indifferentes denique per actum indirectum, qui est permittere. Adijcitur quartus, nempe punire, quoniā, cum tota præcepti vis coërtio sit, l. vlt. ff. de officio eius, cui mandata est iurisdictio, l. vlt. ibi, non paretur impunè .ff. iurisdictioe omniū iud. haud dubiè actus is tanquam cæteros perficiens maximè ad virtutē legis spectat, docet Iuriscōsultus in l. 1. ibi, coërtio .ff. de legibus. Et hæc quidem resolutio, ne inermis videatur, colligitur ex doctore Sancto 12. q. 92. art. 2. Alexandrino in c. omnis in principio, 3. distinct.

5 Ex hac legis definitione definiri potest illa quæstio, quam

quam exorditur Abb. hinc nu. 3. & satis extendit Philip-  
pus Dec. 1. lectura a nu. 26. vtrum scilicet ad essentiam  
legis scriptura requiratur: Et quidem quaestionem du-  
biam, & controuersam affirmat, & pro parte negativa  
duodecim, pro affirmatiua vndecim argumenta confi-  
cit, quibus omnibus statim respondens tuam in fine re-  
solutionem constituit. Equidem, cum legē videam esse  
ordinationem rationis in bonū cōmune ab eo, qui cu-  
ram gerit cōmunitatis, promulgatam, non possum nō  
opinari ordinationem hanc sine scriptura cōsistere non  
posse, atque ideò ad ipsius essentiam pertinere, quod ex  
nostris plurimi dissententur. Quū enim fiet, vt subditorū  
actiones in bonum reip. per legem ordinentur, ni lex  
illa publica, & patens sit omnibus, & in communem  
omnium notitiam deueniat, c. 1. postulat. Prælat. l. leges  
sacratissimæ C. de legibus, quod tamen sine scriptura  
fieri nequit, qua subditi ante oculos tanquam regula,  
& norma proposita operationes, actusque suos rectè  
dirigant: aliter enim de legis mente, & verbis passim,  
& sæpissimè dubitaretur, & maxima subuertendarum  
legum oriretur occasio, quæ omnia tantam vim ha-  
bent, vt dici oporteat scripturam ad legem ipsam in-  
trinsecè, & essentialiter spectare. Nec me fugit fuisse olim  
Dei præceptum regibus Israeliticis propositum Deute-  
ron. c. 17. vt leges Deuteronomij, vbi primū ad regale  
solum

folium ascendissent, in volumine propria manu describerent: Id autem eò tendebat, vt optimè declarat Philo de Creatione principis, ne reges possent vnquam legū ipsarum obliuisci, quinnimó eas tenaci semper, & firma memoria custodirét. Quod enim scribitur, diutius animo retinetur. Vnde Lucianus in dialogis Demosthené ait septies Thucydidis historiá propria manu exscripsisse, vt ita eorum, quæ in ea continebantur, nullo vnquam tempore memoriam amitteret.

6 Sed & ex hac definitiõe explicatur altera quæstio, quam diffusius tractat Hostiens. hîc num. 3. quis nempè constitutionem condere possit. Etenim cuiuslibet communitatis rector id præstare potest, legem, & constitutionem ferens, qua humanam coërcere audaciam, tutamque inter improbos innocentiam reddere, c. factæ 4. distinct. qua oppressis compati c. quam pio, 1. q. 2. qua discordias euitare, & fraudibus occurrere, c. quia propter, de electione, qua denique metu pænæ malos bonos efficere, & bonos spe præmiorum meliores reddere possit. L. 1. ff. de iustitia, & iure. Hæ sunt enim causæ, & rationes legum, & constitutionum condendarum, quas vltra Hostiens. d. loco colligere licet ex Card. hîc, Dec. 2. lectura num. 3.

7 Hæc ordinatio rationis sic promulgata, vt in publicam subditorum notitiã veniat, duos menses exigit, Auth.

Auth. vt nouæ constitutiones, c. fin. Ne clerici, vel monach. c. Nouit, de sententia excommunicata. Notandum est tamen id temporis postulari, ne possit eo transactio legis ignorantia prætendi: quod si ante illud scientia, & notitia conuincatur, haud dubiè à tempore notitiæ lex obligabit, nempe quæ, simulatq; à superiore fertur, suâ obligandi vim producit, c. in istis 4. distinct. Obligare autem tum demum desinet, si per aliam subsequentem corrigatur c. 1. de cognatione spirituali: quod secus est in rescriptis, in quibus posterius non tollit prius, nisi expressam de illo mentionem faciat. continentur enim in rescriptis facta, quæ omnia conseruare memoria non humanum, sed diuinum est. L. 2. §. siquid autè C. de veteri iure enucleando: in constitutionibus autè iura, quæ in scrinio pectoris sui princeps censetur habere, c. 1. de Constitut. lib. 6. quæ verba quomodo intelligantur, explicat Chassan. 6. part. confid. 36.

18 Nec illud indictum velim ex hac quoq; definitiõe inferri legem ad præterita non extendi, de quo agit c. cognoscentes, hoc titulo, & agit Hostiens. hîc ad fin. cū enim lex, & cōstitutio regula sit, per quam actiones subditorum in bonum commune ordinentur, c. Regula 3. distinct. iuncto c. erit autè 4. distinct. manifestū est legem non posse esse regulam actionum, quæ iam transierunt iuxta illud vulgare, quod à præterito nulla est potentia, habetur

habetur in c. si Paulus vers. quæso 32. quæst. 5. quod tamē  
secus erit, si legislator ipse præterita comprehendere  
voluerit: hoc enim, licet naturæ legis repugnet, præte-  
ritorū actuū effectus irritando, prout bono cōmuni expe-  
dierit, legislator efficere poterit. L. leges 7. C. de legib.

¶ Vltimò tamen quærere hoc in loco libet, vtrū con-  
stitutio vim habeat obligandi in foro animæ: Cū enim  
homo alteri secundū animam non subsit iuxta illud Se-  
necæ 3. de beneficijs, errat, si quis existimat seruitutē in  
totum hominem descendere, pars enim melior excepta  
est, corporea obnoxia sunt, & adscripta dominis, mens  
quidem sui iuris est, quæ verba paucis immutatis refert  
D. Tho. super Boët. de consolatione philosophica lib. 2.  
Prosa sexta, quod latis etiam probat idem Boët. d. loco,  
& Philo in lib. Quod omnis probus liber, vbi recitat  
Calani ad Alexandrum ea de re epistolam, videbatur  
dicendum nullum humanum legislatorem hanc pote-  
statem habere, vt sub reatu mortalis criminis subditos  
compellat. Contrarium tamen tenendum est ea quidē  
ratione, quia obligandi vis, quæ præceptis superiorum  
inest, à lege æterna, quæ summa ratio est in Deo exi-  
stens, quæq; omnium legum fons est, originem trahit,  
iuxta illud Prouerb 8. per me reges regnant, &c. & illud  
Sapientia 14. tua pater prouidentia omnia gubernat,  
& illud Paul. ad Roma. 13. non est enim potestas, nisi à  
Deo,



Deo, qua de re Card. in c. vlt. de consuetudine nu. 7. La-  
 tius Chaffan. part. 10. confid. 19. Et hæc quidem vis obli-  
 gandi, forum respicit conscientie, ob efficaciam enim,  
 quam lex humana habet ab æterna, subditi transgresso-  
 res merite apud Deum poenæ obnoxij efficiuntur: ex quo  
 sequitur omnem legem iustam habere in foro consci-  
 entie locum, nec enim, si iniusta fuerit, à lege ipsa diui-  
 na deriuatur, ex qua tota in eo foro obligandi vis pro-  
 cedit.

10 Ecce, iam habemus, quid sit constitutio, vtrum scrip-  
 ta esse debeat, à quo ferri possit, à quo tempore incipiat  
 obligare, quo pacto obligandi vim amittat, vtrum ad  
 præterita trahatur, & in foro denique conscientie lo-  
 cum obtineat. Hæ sunt constitutiones, quas iudices se-  
 qui tenentur, c. i. c. ne innitaris, hæ efficiunt, vt nemo  
 priuetur suo iure, c. cognoscentes, hæ docent prohibito  
 principali prohiberi omnia, quæ sequuntur ex illo c.  
 nam concupiscentiam, hæ probant idem iuris esse in  
 connexis, c. trās lato, hæ statutum laicorum Ecclesiam  
 non comprehendere cap. Ecclesia, hoc nostro titulo.

Sed nos iam vela contrahamus. Nam iuxta Quinti-  
 lianum breuitas laudanda, quando non  
 minus, sed nec plus, quam  
 oportet, dici-

sur.

¶ AD

¶ AD RUBRICAM DE RES-  
criptis.



**I**N PRINCIPIS TITV LO-  
rum semper mihi in mentem veniunt  
verba illa Ciceronis in libris de Natura  
deorum: est mirabilis quædã continua-  
tio, seriesq; rerum, vt alia ex alia anne-  
xa, & omnes inter se aptæ, colligatæq; videantur. Hoc  
enim in Rubricarum continuationibus efficere conan-  
tur doctores nostri.

2 Omissa ergo continuatione glossæ, quam sequitur  
Anton. de Butr. & Abb. hîc, omissa item serie Hostiens.  
quæ placet Card. & alijs: dici potest secundum Dec. hîc  
nu. 3. pontificè, vbi de constitutionibus, id est, iure scrip-  
to egit, adiecissee de Rescriptis, quæ iuris scripti species  
quædam sunt, vt notat Abb. in Rubrica de Consuetud.  
glossa in Rubrica C. de mandat. principum.

3 Rescripti naturã non satis explicant doctores no-  
stri. Ait enim Hostiens. rescriptũ esse id, quod ab apo-  
stolico, id est, à Papa rescribitur ad solationem, vel ad re-  
lationem, intimationem, conquestionem, vel ad suppli-  
cationem alicuius. Sed hic declarãdi modus nec bonus  
est, nec satisfacere potest: id est enim, quod quærimus,  
quid sit illud, quod ad relationem, intimationẽ, suppli-  
cationẽ alicuius à superiore rescribitur. Et quod magis  
mirandum

mirandum est, hæc Hostiensis definitio principali rescripto solum cōuenit, cum tamen idem ipse ab episcopis, & similibus superioribus posse rescripta impetrari intēdat statim num. 2. dum ait rescriptum posse concedere, quicumque constitutionem facere potest: quæ sententia non latuit Rebus. ad leges Gallix 2. tomo tit. 1. in præfatione nu. 23. hæc Hostiensis. Abbas verò, dum pollicetur se clarius, & melius rem explanaturum, meo quidē iudicio datam fidē non liberat. Rescriptum inquit duobus modis sumi, stricto, & largo: & primo quidē significare illud, quod princeps ad iuris obseruationem rescribit, cum nempe causam committit inter aliquos decidendam: secundo priuilegium, & beneficium, & omnia mādata, quæ ad iuris obseruantiam à principe emanāt, continere, & hanc esse huius verbi in nostro titulo acceptionem. Hæc Abb. quem sequuntur doctores, & glossa in rubrica de Rescriptis lib. 6. & passim alibi. Sed neq; hæc Abbatis explicatio scopū attingit: adhuc enim hæremus in salo. Id nanque discere volo, quid sit hoc rescriptum lato modo sumptum, priuilegium, & beneficium comprehendens: Rursus hæc Abbatis definitio de principe solum agit: de superioribus alijs verbū nullū. Cogor igitur inuitus ab his tantorum virorum definitionibus secedere, quas, si probari possent, lubens, volensq; amplecterer, qui illud semper in ore habeo, per

me sint omnia protinus alba. Citabo itaque definitio-  
nem: an iustius induat arma, non ausim dicere, sed ius  
proponam equum, vt, si placuerit, nil illi detrahat inge-  
nij mei tenuitas. Sæpè enim, vt in prouerbio, est olitor  
valde opportuna loquutus.

4 Sit itaque rescriptum, prout in hoc titulo accipitur,  
prouisio superioris legitimi ad consultationem, vel pre-  
ces rescribentis. Et hæc quidem definitio satis nititur  
autoritate l. 1. ff. appellat. ibi, ad consultationem fuerit  
rescriptum, l. rescriptum 12. ff. de distractione pign. l.  
diuus, 33. ff. de re iud. quæ quam congrua sit, & adæ-  
quata, testantur tam rescripta specialia in ea contenta,  
quæ constitutiones personales dicuntur, quibus prin-  
ceps ad consultationem sine exemplo subuenit, l. 1. ff.  
de Constitut. princip. quam generalia, quibus genera-  
liter, vt in exemplū trahatur, l. quoties. §. 1. ff. de hæred.  
instituend. explicat Franciscus Conan. lib. 1. c. 16. à nu.  
6. testatur verbum consultatio, & verbum preces, quia  
& id denotat verbum rescriptum, quod præcessisse cō-  
sultationem, vel preces significat. Idem enim est res-  
cribere, quod respondere, licet rescribere ad absentes,  
respondere ad præsentem sit, vt ex Seneca aduertit Curt.  
lib. 12. obseruat. c. 8. & patet ex illo Penelopes,

*Nil mihi rescribas, attamen ipse veni.*

Testatur denique verbum ipsum preces, sub quo inclu-  
duntur

duntur rescripta, quæ sunt contra ius, id est, priuilegia, quæ præter, id est, gratiæ, & beneficia, quæ secundum, id est, rescripta in specie, vel strictè sumpta, in quibus omnibus superior legitimus iuxta materiam subiectam ad preces rescribit.

5 Ex hac definitione manifestum est, quis possit rescriptum concedere: Omnis enim legitimus superior id facere potest, vt colligitur ex Hostiens. hic num. 2. ex Bald. & siculo num. 16.

6 Manifestum quoque est, quis possit rescriptum impetrare: est enim edictum de rescriptis impetrandis prohibitorium, vt id nempe possit omnis ille impetrare, qui à iure speciatim non prohibetur. Agnoscit Hostiens. hic numero 4. Felin. 8. Perez ad Rubricam, titulo 12. lib. 3. ordinamenti quæst. 26. Syluest. verb. rescriptum numero 2. & confirmatur ex l. vniuersis C. de precibus imperatori offerend. per supra dictos maximè commendata. Nam, cum omnis rescriptorum vis, & effectus ex concedentis dependeat voluntate, vt patet ex definitione, non ita ex impetrante, qui, nisi prohibeatur, indistinctè acquirere, & comparare potest, quidquid contra, præter, vel secundum ius ei fuerit indultum, efficitur certè illos tantum ab impetrandis rescriptis remouendos, qui iure specialiter prohibentur. Prohibeantur autem iure perditissimi hæretici l. 2. C. de

summa Trinit. c. 2. § ad hæc, de hæret. lib. 6. Prohibeantur miseri excommunicati c. dilectus 26. hoc titulo, c. vlt. de procurat. nisi de excommunicatione sua faciant mentionem c. ab excommunicato, infra eodem, & nisi in causa appellationis, vel ad defensionem suam: valet enim tunc rescriptum, ne innocentes damnentur, c. literas, de præsumpt. cum alijs.

7 Quemadmodum verò rescriptum impetrari potest à quolibet, ita & contra quenlibet, dummodò sit de iurisdictione concedentis, nanque aliter inualidum erit, cum extrà territorium ius dicenti non pareatur impunè l. fin. ff. de iurisd. omnium iud. c. pen. de officio vicar. c. licet 10. in principio, de foro compet.

8 Quas autem vires rescriptum habeat, quod profequitur Hostiens. hinc num. 9. ex eadem definitione deducitur. Id enim rescriptum operatur, quod ex eius tenore, & mente concedentis apparet: nec necessaria est distinctio, vtrum secundum, præter, vel contra ius emanet: semper enim ad mentem concedentis recurrendum est, ex qua, vt diximus, totus rescriptorum effectus deriuatur.

9 Vtrum autem rescripta perpetuò, vel ad tempus durent, optimè decidit imperator in l. 2. C. de diuersis rescriptis. Ex qua colligitur nullum rescriptum attèta sua natura finiri tempore, cum tamen duret, vel expiret iuxta verbum, qui in eodem exprimitur, vel ex eo tacite

deducitur.

deducitur: Ex hoc enim termino colligitur voluntas concedentis arg. c. venerabili 37. de officio deleg. quæ quidem voluntas vel ex termino, vel ex materia subiecta deducta arg. l. his solis C. de reuoc. donat. ibi, tacite cautum, l. si vno in principio .ff. locati, iuncta l. Cū quid .ff. si cert. pet. manifeste ostendit, quo tempore rescriptum durare debeat, nempe quod ex ipsa voluntate totum dependeat c. ad aures, ibi, intentionis, de Rescript. cum multis adductis per Tiraquel. in l. si vnquam verb. libertis num. 8. & 55.

10 Hinc infertur rescripta ad lites perpetuo durare, vt post glossa in d. l. 2. in l. 1. ff. de nund. resoluit Menoch. de arbitrar. casu 202. à num. 76. & casu 204. idem in consil. 100. à nu. 33. Peres ad l. 1. titulo 12. lib. 3. ordinam. quæst. 35. Neque audiendi sunt doctores in c. plerūque, de rescript. inter quos est Innoc. ibi, & in c. Cæterum num. 6. existimantes rescriptum amitti, simulatque impetrans eo per annum vsus non est. Id enim falsum est, nec probatur in d. c. plerunque, quod solum probat valere impetrationem secundi rescripti non facta prioris mentione, vbi non est impetrans priore per annum vsus, idque de nouo pontifices induxerunt in odium negligentia primæ impetrantis. Sic aliàs negligentia dicitur omnia lædere in gloss. fin. in l. diuus .ff. de officio præsid. Sic negligentia sua socio est damnosa

in l. non ob eam rem 25. ff. pro socio. Sic creditor negligentiae suae expensum fert in l. pupillus .ff. quæ in fraudem creditorum. Sic præbiter æquè deponitur propter negligentiam, ac propter dolum in c. dictum, & ibi, glos. verb. negligentiam 81. distinct. Sic nobis etiã negligentia satis damni, satisque incommodi attulit. Cũ enim Petrus Homem Dazeuedo vir optimus, & nobilissimus, & Illustrissimi Leiriensis summo præfecti prætorio in suo Leiriensi episcopatu locum tenens, labores hos nostros ad supremam Inquisitionis hæreticæ pravitatis curiam se missurum polliceretur, eaque de causa aliquot illi ante Kalendas Augusti diebus manu propria descriptum libellum traderem: ecce mihi nuntius affertur, quo ego iam tempore illum Catholicæ fidei incudi redditum arbitrabar, libellum nusquam apparere, tabellarij fortassis incuria, quæ fuit in causa, vt omisis alijs, in quorum studio verlabar, cum iterum exscriberem, neq; hæc prima nostræ harmoniæ pars ea, qua optabam, festinatione in publicũ prodiret. Nec certè alius meorum laborum sperari poterat euentus: quo enim tempore illos meditabar, Isabella mater vita mihi charior diuturno morbo, & assiduo febris ardore cõsumpta coram meis oculis paulatim deficiebat, quæ res mihi animum ab scribendo, manũ ab opere reuocabat, semperque calamus literas atramento exaraturus papyrum



pijs inueniebat lachrymis exarata. Annua tamen, de qua noster erat sermo, rescriptum impetrantis negligētia tantā vim non habet, vt vires suas rescriptū amittat. Vnde data vtriusq; validitate recurrendum est ad principia iuris, & agendum de concursu, vt attendatur præsentatio, vel citatio, quæ per alterum ex illis prius facta est, iuxta c. vt debitus, de appellat. cum similibus, glossa vlt. in c. i. hoc nostro titulo. Cassador. decisioe 30. de rescriptis, Octavianus de stylo curiæ lib. 3. c. 12.

11 Et quoniam in rescriptorum inualiditatē, vel validitatem incidimus, quærendū modò est, quo pacto rescripta vitientur. Hic est enim articulus, in quo ait Hostiens. num. 22. inopem me copia facit: ego tamen dicerem propter mensuram carminis, inopem me copia reddit, exemplo Tiraquel. de cessante causa 1. part. nu. 11. qui cum referret versiculum illum, quo vtitur glossa in c. ita quorundam, verb. ferrum, de Iudæis,

*Causatum perimit causa perempta suum,*

Ego, inquit, dicere maluissem,

*effectum perimit causa perempta suum.*

12 In hoc articulo conclusiones constituā generales, ex quibus vera totius materiæ resolutio colligi possit. Quicumque igitur rescriptū impetrat, tenetur apud cōcedentē probabiliter ignorantē circa personæ suæ qualitatem, materiam, de qua agitur, iuris violationē, & tertij

præiudicium, sigillatim exprimere veritatem, & omnino suppressere falsitatem, qua expressa, & suppressa aut nullo modo, aut difficilius rescriptum concederetur, quod iudicis arbitrio relinquendum est. Quam regulam satis probat c. super literis iuncto c. postulasti, hoc titulo, & optima etiam ratione suaderi potest. Nam, qui actum gerit cum alio ab illius voluntate dependente, qualis planè est rescriptum, c. ad aures, hoc titulo, tenetur apud eundem, ne ipsum decipiat, probabiliter ignorantem circa qualitatem, & circumstantias necessarias sigillatim exprimere veritatem, & omnino suppressere falsitatem, qua expressa, & suppressa aut nullo modo, aut difficilius actum gereret. L. i. ibi, ædiles aiunt, l. ædiles 38. ff. de ædilit. edict. Hinc venditor rei vitiosæ scienter, qui emptorem de vitio non admonuit, tenetur ad interesse extra rem. Cõmunis ex Alciat. de eo, quod interest, c. 9. ex nu. 10. Costal. in l. tenetur. ff. de action. empt. Guiber. lib. 1. q. c. 13. Main. lib. 3. Actionum c. 9. quod quidem procedit, siue venditor asseueraverit vitium illud abesse, siue etiã sciens reticuerit, ut probatur in l. Iulianus 14. l. in venditione 42. ff. de action. empti.

13 Secunda cõclusio sit: Rescriptum impetratum suppressa veritate, vel suggesta falsitate per dolum impetrantis nullatenus ei prodest, imò obest, per ignorantiam verò, aut simplicitatem, eatenus proderit, quatenus id, quod  
suppri-

supprimatur, vel exprimitur, non fuit causa cōcessionis, & alias concedens id esset verosimiliter cōcessurus, quod est etiā iudicis arbitrio cōmittendū. Probatur hęc nostra cōclusio ex d.c. super literis in primo, & secūdo casu, iūcto c. dudum 14. vers. considerantes, de præbend. lib. 6. Primo enim casu rescriptū non prodest, quia dolus suus nulli prodesse debet, c. intelleximus in fin. de iudicijs: secundo verò prodest ex voluntate ipsius, qui illud concessit. Et hoc tam in Rescriptis gratiæ, quam Iustitiæ procedit, vt per Abb. d.c. super literis num. 5. Felin. ibi, col. 1. Rebus. in concord. titulo de forma mandati verb. pro expressis in tertio requisito, quæ vtraque per subreptionem ipso iure vitiantur, licet communis doctorum schola id tantum in rescriptis gratiæ admittens in contrarium sit.

14 Quibus suppositis valde iuri consona videtur dispositio c. Cæterum, hoc titulo de Rescriptis, vt scilicet corruat posterius rescriptum ad lites, in quo impetrans suppressit aliud, quod super eodem negotio præcessit: quod tamen in rescripto gratiæ non procedit ex ratione Felin. in c. causam, quæ nu. 8. hoc eodē titulo. Et intelligendum est, vbi rescriptū est æquè speciale, vel æquè generale, non verò vbi aliud speciale, & aliud generale, tunc enim semper speciale, siue præcedat, siue subsequatur, validum est, & derogat generali iuxta reg. ge-

neri 34. in 6. probat c. 1. c. pastoralis, hoc titulo, c. dudū  
14. vers. nos igitur cum sequentibus de præbend. lib. 6.  
hic est enim celebratissimus casus, in quo aliud per aliud  
tollitur, de quo, & alijs Hostiens. d. num. 16.

15 Quam autem interpretationem rescripta admit-  
tant, quam iurisdictionē conferant, quæ poena sit malè  
impetrantium, vel abutentium, pete vltra alios ab Ho-  
stiens. hīc num. 17. 18. & 33.

*Nam nos immensum spatij confecimus equor,  
& iam tempus equūm spumantia soluere colla.*

## ¶ AD RVBRICAM DE CONSVE- tudinē.

**C**ONSVETVDINIS NO-  
men quàm sit frequens, quàmq3 neces-  
sarium, nemo est, qui nesciat: nempè  
quæ in sublimē constitutionis locū suf-  
ficiatur c. consuetudo, 1. dist. Nempè quæ leges ipsas an-  
tiquitus probata, & seruata imitetur, & retineat, l. leges  
C. quæ sit longa consuetudo: nempè quæ ius dubiū in-  
terpretur, & sit deniq3 optima legum interpretres, c. cum  
dilectus, hoc eodem titulo. Parua loquor: imò consue-  
tudinē alteram esse naturam profitetur gloss. in c. Bone  
23. verb. per rerum naturam, de electione. Vnde & me-  
mini verbū illud naturaliter ab Vlpiano vsurpatū in l.  
sed

sed si damnū 9. §. si ipse, ff. de peculio, naturaliter, id est, ex cōsuetudine à quodam ex præceptoribus nostris expositum fuisse: qui similiter inquebat intelligendā esse l. in causæ 1. §. idem Pōponius .ff. de minor. l. item 22. §. quemadmodum, ibi concessum .ff. locati, adiuncta l. si voluntate 8. ad med. C. de rescind. Quicquid circā aptā eiusdem verbi explicationē in omnia se verterint Cou. lib. 2. resolut. c. 3. num. 2. Pinel. in l. 2. C. de rescind. 1. part. c. 1. num. 3. Nam & apud Latinos illud naturaliter euenire dici, quod ex consuetudine euenit, l. 2. §. his legibus, ibi, vt naturaliter euenire solet, ff. de origine iuris. Esse verò consuetudinem alteram naturam facile comprobatur celebre illud apud medicos problema, cur scilicet nuda facie, reliquo amictō corpore, cum simus, in maximo tamen frigore reliquum quidem corporis rigeamus, faciem minimè: hanc enim quæstionem consuetudo dissoluit, assuevit nanque facies aëri tolerādo semper aperta, & exposita, cum tamen varium reliquo corpori velamen obtēdatur. Vnde & Philo in lib. de Abrahamo, Inueterata, inquit, consuetudo plærunq; tātum potest, quantū natura. Quod in liberis optimè perspicitur secūdū Chassan. 2. part. cōfid. 24. vers. ad hæc filij, qui ex assidua parentū, cūq; ipsis iā nata familiaritate, & cōsuetudine, ita illorū mores induūt, vt verissimū sit illud, *Sapè solet similis filius esse patri.*

Quod

Quod latius exornat idem Chassan. part. ii. confid. 25. licet non ignorem Baldum ulterius progressum: qui cū alijs affirmat consuetudinem potius inspici, quam naturam per text. in l. i. vers. bestias autem, vbi Additio marginalis. ff. de postul. Nec interim me latet, quo pacto sit illud intelligendum, consuetudinem alteram esse naturam: Procedit enim hoc in rationalibus tantū. Nā, vt inquit D. Tho. super Boët. lib. 2. prosa 1. natura non assuescit in contrarium, nam si lapis millesies projiciatur sursum, non assuescit ascendere sursum, cum natura eius sit descendere, licet in hominibus contrarium contingat, vt videre est per eundem d. loco lib. 3. metro 2. hīc verò cum naturam nomino, naturam tertio modo sumptam intelligo, quæ est quædam vis, & potentia diuinitus insita rebus creatis, quæ vnicuique rei suum esse tribuit, vt eam definit D. Augustin. relatus à Tho. d. loco. Quæ cum ita sint, bonum ab eo, quod solitum est fieri, conficitur argumentum l. quod si nolit. §. quia assidua. ff. ædilitio edict. Chassan. multos referens 1. part. confid. 38. conclusione 45. vers. & quod, cū sequentibus. Sed ne, dum consuetudinem laudamus, consuetudinis rei simus, ante omnia de Rubricæ continuatione agere oportet: deinde operam dabimus, vt viā nobis ad omnia, quæ de consuetudine dicenda sunt, recta illius definitione supposita præstruamus.

2 Ius omne, vt diximus in Rubrica de Constitut. in scriptum, & non scriptum diuiditur. §. constat, instit. de iure naturali, gent. & ciuili. Egit igitur pontifex de iure scripto in titulo de Constitutionibus, & Rescriptis, nūc iam tēpus, & ordo postulabat, vt ageret de iure nō scripto, quod ab institutis spartanorū originem duxit. Nā, cū Athenienses ea, quæ in legibus scripta deprehendissēt, custodirent: Lacedæmonij quidē ea, quæ pro legibus obseruari erant, memoriæ mādabant. §. & non inelegāter, instit. eodem. Vnde apud illos autore Plutarcho in Lycurgo legū vna fuit scriptis legibus non vti. Sic verbum illud, moribus, in l. 2. ff. vulgari, retrahēdum est ad ius Lacedæmoniorum, quemadmodum verè, & peritè interpretata est glos. ibi, licet Alciat. lib. 4. Parerg. c. 21. illud accipi velit pro iure ciuili, quod post xij. tabulas prudentiū consuetudine inductum est. Sic equidem intelligerē idē verbū in l. de quibus. ff. de legibus in principio, tametsi glos. & doctores lōgè aliter intellexerint.

3 Hæc continuatio recipitur ab omnibus hīc, ita, vt Philippus Dec. qui hætenus in superioribus Rubricis aliorum continuationes reiecit, in illā recalcitrare ausus non sit. Sed quid sit consuetudo, hoc opus, hic labor est. Ioann. Andr. citatus ab Abb. hīc varias definitiones cōstituit: varias constituunt alij citati ab additione verb. cōsuetudo. Tandē ipse Bartholifimia Bartoli definitionem

nem videtur approbare in l. de quibus. ff. de legibus, quæ  
tñ ne suo quidē autori placuit, vt videre est per Dec. hīc  
nu. 18. Card. in c. vlt. hoc tit. nu. 9. varias etiā definitiōes  
affert, quas, quoniam probaturi non sumus, referre non  
curamus. Quæ frequentiori doctorum calculo recipi-  
tur, est definitio Isidori in c. cōsuetudo 1. dist. Est, inquit  
ille, cōsuetudo ius quoddam moribus institutum, quod  
pro lege suscipitur, cum deficit lex. Sed hæc potius des-  
criptio, quam definitio dici debet, nec consuetudinis  
essentiam satis explicat, cum ex ea non colligamus, quo  
tempore consuetudo inducatur, nec de ratione verbum  
vllum, cum tamen ratio sit causa formalis ipsius con-  
suetudinis ex Abb. in c. vlt. hoc nostro titulo nu. 15. Pa-  
risio consil. 27. nu. 50. lib. 1. & ita per causam ratio intel-  
ligēda est in glos. 2. c. 1. hoc tit. in 6. & glos. verb. breuita-  
tē c. cū ecclesia, de causa posses. quā reprobat ei⁹ sensū nō  
percipiēs additio vltima ad Abb. in c. dilect⁹, hoc titulo.

4 Missis itaque his, & alijs definitionibus, quas exco-  
gitāt doctores d. locis, sit cōsuetudo, Ordinatio rationis  
in bonum cōmune per legitimū tempus moribus vten-  
tium constituta. Ordinatio rationis in bonū commune  
rectè dicitur, quia, cum consuetudo substituatur in locū  
legis, d. c. consuetudo, 1. dist. & subrogatus sapiat naturā  
eius, in cuius locū subrogatur, l. si eū. §. qui iniuriarū. ff.  
siquis caution. Chassa. 1. part. confid. 38. conclus. 18. non



immeritò per eadē verba describitur, per quæ definitur  
 lex iuxtā ipsius definitionē, quam supra præscripsimus  
 in Rubrica de Constitut. Sed antequam reliqua verba  
 percurramus, hæc eadem viam aperiunt illi quæstioni,  
 virū consuetudo contra legē obligantē cū peccato in-  
 troducatur. Si enim cōsuetudo est ordinatio rationis, &  
 ratio nihil patitur iniustum, videtur dicendū nullā cum  
 peccato consuetudinem admittendam esse. Est tamen  
 contrariū iure optimo defendendū. Licet enim subditi  
 cōtra legē agentes peccēt, iuxta sentētiā Paul. ad Rom.  
 13. c. violatores 25. q. 1. Lex tamen vsq; adeo detulit cō-  
 suetudini rationabili, & præscriptæ, vt illi legē abrogā-  
 di potestātē cōcederet, c. vlt. hoc titulo, l. de quibus 31. ff.  
 de leg. & hanc sentētiā tuetur Caiet. 2. 2. q. 93. art. 3. &  
 post Driedon. lib. 1. de libertate christiana pag. 128. Xar-  
 mient. de redditit. 4. p. c. 1. nu. 12. col. 2. Quamuis enim  
 omnia iura in hac cōsuetudine inducēda rationē expof-  
 cant: ratio tñ hæc talis esse non debet, quæ tollat omne  
 violatæ legis culpam, sed satis est, vt eam extenuet, &  
 consuetudinem aliquo modo cohonestet ita, vt ratio-  
 nabilis illa dicatur, quæ cum aliquo rationis prætextu  
 ad inducendam consuetudinem, sed non ad tollendam  
 absque consuetudine legē sufficiētis inducatur. Sic in si-  
 mili iusta causa ad cōcedendā dispensationē dicitur illa,  
 quæ non sufficit ad tollendā legē, cōtra quā dispensatio  
 concedi-

conceditur. Tu tamen hac de re, si cupis hunc locū amplius dilatare, vide Ang. in d. l. de quibus, vbi Ias. num. 49. post alios Aymon de antiq. 4. part. c. transeo nu. 16. Hostiens. in c. 1. de treuga, & pace. Ioan. Andr. Sicul. nu. 72. in d. c. vlt. de Consuet. Card. & Imm. nu. 5. in Clem. vlt. de æt. Bart. oppositione 6. in l. 1. C. quæ sit longa cōsuetudo, Sot. 1. de Iustitia, q. 7. art. 2. in fin. Aduertendū tamen est, consuetudinē, dum introducitur, debere esse rationabilem: postquam verò legitimè introducta est, tum demum esse ordinationem rationis, & ea vtentes nullum peccatum admittere, imò liberos esse ab omni culpa, qua ante illius perfectionem implicabātur. Hæc de ordinatione rationis.

5<sup>o</sup> Accedamus nunc ad alterum illud verbum in definitione positum, per legitimum tempus. Præbet enim occasionem alteri quæstioni, quo nempe tempore consuetudo perficiatur. Et Hostiens. hîc num. 3. §. obtentus videtur concludere in omni consuetudine, siue contra, siue præter ius illa sit, 40. annorum spatium esse secundum canones necessarium. Innoc. tamen in c. cum dilectus num. 6. Card. in c. vlt. nu. 27. & alij, hoc titulo, existimant præter ius consuetudinem spatio decem annorum induci: cum enim sufficiat id temporis de iure civili, patet ex Rubrica C. quæ sit longa cons. iuncto c. Placuit. §. potest 16. q. 3. nec contrarium reperitur in canonico,

canonico, illi standum est iuxta huius decisionē in c. 1. de noui operis: si verò cōsuetudo sit contra canones, tūc spatium quadragenale requirunt, idq3 probat Card. ex c. 3. hoc titulo, lib. 6. vbi pontifex requirit, vt consuetudo sit præscripta canonicè, id est, vt ille interpretatur, secundum canonicam præscriptionem, & erat illa cōsuetudo contra ius c. episcopus nullius 15. q. 7. c. quanto, de his, quæ fiunt à præl. Hostiens. verò putat hanc quadragenariam consuetudinem expressè probari in c. olim, 20. de cens. vbi spatium sex, & triginta annorū ad illam inducendā satis non fuit: sed tamen ille tex. in præscriptione loquitur, non in consuetudine, quas doctores promiscuè, & indistinctè confundunt: licet aliquando ipsi quoq3 pontifices consuetudinē pro præscriptione vsurpent, sed id impropiè, & latissimo quodam modo, vt patet ex c. cum ecclesia, ibi consueuerunt, & ibi, de consuetudine speciali iunctis verbis sequentibus, ibi, vsque ad præscriptionē, de causa poss. aduertit Abb. in c. vlt. num. 20. hoc titulo. Gaudeat itaque præter ius consuetudo decennij præscriptione, dummodo illa, quæ cōtra ius est, non nisi quadragenali contenta sit.

6 Quo autem pacto consuetudo probari possit, vtrū binus actus ad eam sufficiat inducendam, & maior pars populi illa vtentis requiratur, disputat Hostiens. nu. 5: Innoc. 1. & alij hīc, ex quorum dictis, & ex Abb. in c. vlt.

num. 17. Card. 21. gloss. & doctoribus in c. consuetudo, 1. distinct. & in l. 3. C. de episcop. audientia, facile colliges huius dubij resolutionem, quam nos ad alia properantes coacti prætermittimus.

7 Neque verò illud contemnendū est violatores laudabilis, & honestæ consuetudinis, qualis profectò est ea, quam per ordinationē rationis definimus, mortalis criminis reos esse. Cū enim lex ipsa in foro obliget conscientia, vt diximus in Rubrica de Constitut. & probat gloss. in c. quæ in ecclesiarū verb. constituerūt, de cōstitut. Castr. de l. poenali lib. 1. c. 4. Cou. multos referēs de spōsa. 2. part. c. 7. §. 7. num. 9. optimè efficitur eandem quoque vim consuetudinē habiturā iuxtà c. consuetudo, 1. dist. iuncto. §. fuerat, instit. de action. Sic mortale culpam incurret ille, qui in Ascensionis dominicæ vigilia approbatum consuetudine ieiuniū violauerit: quod habetur inter constitutiones episcopatus Conimbricensis, quas aliquandò per otium percurrere cōtiguit mihi, titulo 10. constit. 1. Cum enim aliàs consuetudo ob amica voracis gulæ irritamenta, & inimicum fidelium, si tamen hi fideles dici possunt, ad sanctissimas Ecclesiæ catholicæ cōstitutiones torporem, & segnitiam, ieiuniorū numerū, quantum possit, attenuare soleat: ad maiorē tamen huius diei felicissimæ celebrationē piæ catholicorū mētes, vt aliquid de suo afferrent, & mente liberius in coelū ele-

uata ascendente dominū si non oculis, saltem animo, & cogitatione profeceretur, hoc tam laudabile, tamque multis de causis cōmendandū vniuersali totius penè ecclesie consuetudine ieiuniū inuenerūt. Quæ, vt melius nosse possimus, quātis sit laudib⁹ excipiēda, vidēd⁹ Cou. lib. 4. var. c. 20. quam constanter obseruanda, Augustin. in c. in his 11. dist. Chass. 3. part. cōsid. 23. vers. quas quidē.

Sed iam operæ pretium facturus sim, si quibus signis cōsuetudinē à præscriptiōe internoscamus, explicare contendā: passim enī cōsuetudo, & præscriptio apud doctores promiscuè vsurpatur, indiscreta quidē iuris peritis nomina, sed ingratus rectè expendētibus error. Nō est enim cuiusuis saltē in multis cōsuetudinē à præscriptiōe distinguere, effectu tñ, quantū inter vtrāq; interfit, intelligitur. Varij varia sentiunt: & vltra eos, qui hac de re cōmuniter agunt, & referūtur à Cou. in reg. possessor. 2. part. §. 3. nu. 2. noster est Hostiens. hīc nu. 13. Dec. 11. sed quoniam ex vtriusq; iuris interpretū resolutionibus nō facile est colligere huius nodi, & quæstionis resolutionē, (sunt enim valdè dubia, quæ ab illis deciduntur) enitendum nobismet ipsis pro viribus est, vt, quod ardēter cū cæteris cōcupiscimus, præ cæteris feliciter assequamur. Et quamuis Hostiens. sex inter cōsuetudinē, & præscriptiōē differētiās assignet, nos dimidia parte cōtenti tres tantū constituemus, sed quæ fortasse apertius essentialē

vtriusq; dissimilitudinem nobis ante oculos proponat.  
9 Prima sit, quod præscriptio semper eò tēdit, vt præscribentem locupletiozem reddat: cum tamen consuetudo nihil aliud efficere conetur, quàm, vt legem quandam inter eam introducentes constituat. Vnde, licet aliquando per præscriptionem alicui cōmunitati ius quæ-ratur, vt in c. i. c. sanctorū, c. auditis, c. cum ex officij, de præscript. id tñ sub ratione cuiusdā particularis acquisitionis fit, & soli corpori ficto illud emolumentū accrescit: quod secus est in cōsuetudine, quæ non soli corpori ficto, sed singulis prodest, & sub ratione cuiusdā ordinationis introducitur, & ad locupletandū principaliter nō tendit: idq; apertè patet ex vtriusq; institutione, præscriptio enim adinuēta est ad distinguenda singulorū dominia l. i. ff. vsucap. & dominij, adquisitio dicitur in l. 3. ff. eodem: consuetudo verò inducta, vt subiret vicē legis l. de quib; ff. de leg. quæ, cū sit ordinatio rationis, vt sæpè diximus, ita idem est de consuetudine dicendū iuxta glos. verb. successerunt in c. ecclesia 3. vt lite pendente.  
10 Secunda sit, quòd præscriptio, licet in bonum cōmune dirigatur, neminē tamē fouet, nisi, qui per se, vel per alium legitimo tempore vsus est: consuetudo neminē excipit, omnes ad se vocat, non minus vtentes, quā, qui nūquā sunt vsi, tuetur, atq; defendit: requirit enī præscriptio particularē possessionē ei⁹, q; sibi vult acquirere,  
reg. sine

reg. sine possessione lib. 6. cū non aliter, quam mediante illa possessione adquisitio resultet, d. l. 3. ff. de vsucap. cōsuetudo, cum particularis non sit adquisitio, nempè quæ lex communis censeatur, vtentes, vel non vtentes parūm curat, & ne legi sit dissimilis, omnibus similiter communis est iuxtà c. erit autem, 4. dist.

II Ultima sit, quòd præscriptio nullam publicæ utilitatis, nullamque boni publici causam exigit: consuetudo sine hac utilitate, & sine huius boni publici ratione consistere non potest: illa nāq; iustis de causis introducta l. 1. ff. de vsucap. satis est, si solennitates habeat iure necessarias; lex enim in cōmuni iusta non ob id cessat, quòd in aliquo particulari casu à ratione deficiat: l. prospexit, ff. qui, & à quibus: hæc verò commune bonum, & utilitatem spectare debet, cum legem agat, & pro lege suscipiatur, vt est in hac Rubrica iterū, atq; iterum repetitū. Liceat enim nobis hac in re battologizare, quamuis nō ignoremus, quàm sit battologiæ vitiū fugiēdum, quod tum cōmittitur, cum eadem sæpius repetuntur, quale inquit esse illud apud nostros pōtifices in Rubrica, de statu monachorum, & canonicorum regulariū. Frustrà enim aiūt additū, regulariū, cum canonicus regularem significet, & idē sit Canon apud Græcos, quod est apud Latinos regula iuxtà Catapodas Martiani in Græca Chryssippi verba in l. 2. ff. de leg. & c. Canō 3. dist. ex Isid.

lib. 6. ethymolog. c. 16. defenditur tamen illa Rubrica à  
Cō. licet de illa mentionem non faciente, nec de bat-  
tologiæ vitio agēte, in Clem. si furiosus 1. part. in initio  
nu. 3. quale itē aiunt esse illud apud imperatores in rubri-  
ca C. de seruitutibus, & aqua, cum frustra verbum aqua  
additū sit, quod iam sub verb. seruitutibus includebatur.  
Sed hoc etiam excusatur à glossa ibi, vltra quā dici po-  
test speciē qualificatam sub genere non cōprehendi, &  
ita etiam intelligi illud Christi domini, dicite discipulis,  
& Petro. Caue tamen, ne dixeris Battologiæ vitium in  
sacris literis reperiri: si enim legas libros Moyſis, Exodi,  
Leuitici, Numerorum, Deuteronomij, inuenies multa  
vel in eodem capite sæpius repetita; quod tamen ita di-  
uinitus factū fuit, ne possent Iudæi mādata, & præcepta  
dñi transgredientes aliquo ignorationis velamine pec-  
cata sua contegere, quin potius diuina verba toties illo-  
rū auribus inculcata diuinam aduersus homines furen-  
tissimos vindictam ardentius excitarent. Ne verò nos  
Tiraquellus parum sibi æquos, & fures, vt facere solet,  
plusquā manifestarios appellet, licet nihil ex his, quæ di-  
ximus, illi debeamus, de battologia tamen, & eius ori-  
gine, & significatione legimus quādoq; aliqua apud eū  
in legibus cōnubialibus post legē, ni fallor, 8. Sed de Cō-  
suetudine satis multa. Postulat enim iā breuitas cōsuetæ,  
vt consuetudine omiſsa ad postulationem accedamus.



AD RVBRICAM DE POSTV-  
latione Prælatorum.

**B**ERNARDVS GLOSSA-  
tor ita connectit hunc titulũ cum titulo  
superiore: egit p̄tífex de iure scripto, &  
de iure non scripto: &, quoniam parum  
esset iura cōdere, ni forent, qui eadē tuerentur, l. 2. §. post  
originem ff. de orig. iur. ideó de ipsis ministris meritò  
erat dicendum; qui cum aliquo ex his tribus modis as-  
sumantur, postulatione nempe, electione, & translatio-  
ne, de his omnibus tractat pontífex incipiens à postula-  
tione, quia gratiæ innititur. Huc vsq; glossator. Docto-  
res nostri sunt sicut grues, vno conuolante reliqui se-  
quuntur, cōtinationem hanc omnes amplexi sunt. Li-  
benter tamen quæsierim à Bernardo, vtrum tam infeli-  
cis sit memoriæ, qui iam fuerit oblitus se in rubrica de  
rescriptis eandem nobis iisdem fermè verbis continua-  
tionē proposuisse: nisi fortassis sit hæc continuatio bolũ  
illud Armenicum, quæ alio nomine terra sigillata dici-  
tur, cuius ea est natura, vt ex sentētia Galeni, sicuti mihi  
retulit Galenus mihi alter Loffa noster, omni inualetu-  
dini inseruiat, & vniuersis morborum generibus ap-  
plicetur. Enimuerò, si hoc in loco aptè, & congruen-  
ter de iurium exequutoribus agendum erat, non-  
né aptius, & congruentius foret titulos de officio

ordinarij, & de officio deleg. huc transferre: hi sunt enim propriè illi iudices, quibus iuris custodia à iure commissa est. Quid igitur dicendum.

2 Constituit pontifex superius generales de iure titulos, nunc iam ad speciales descendit. Et quoniam ædificium ecclesiasticæ hierarchiæ constat ex his potissimùm, qui ad publica eiusdem munera, ad dignitates, & officia euehūtur: maximè cōueniebat ecclesiastico legislatori, quo iure in his electionib' procedatur, ante oīa explicare. Cūq; illæ tripliciter perficiātur, per postulationē, electionē, translationē, idcirco de his omnibus specialiter rubricas edidit. Sed, si querat aliquis, quare à postulatione pōtifex inceperit, caue, ne illi respōdeas cū Panorm. fecisse id pontificē, quia postulatio innititur gratiæ c. 3. in fin. hoc titulo: dicet enim tibi Panormitomasix Andreas Sculus tuo te gladio iugulatū, ob eam nāq; causam à titulo de electione potius incipiendū, quia gratiæ postulatio, electio iuri nititur, quod gratia potentius est. L. eius militis 34. §. militia missus. ff. de test. milit. Nec item confugas ad Card. præpositum fuisse hunc titulū titulis sequentibus, quia postulatio est electioni præuia, & ad electionem præparatur c. innotuit, de electione: vrgebit enim Dec. translationē similiter electioni esse præuiam, & ad electionem præparari, & per postulationem fieri c. fin. de translatione episcop. Nec obstabit, si ad id respon-

respondeat idem Dec. diuersam reperiri in translatione rationem, quia translatio præsupponit dignitatem iam creatam, postulatio creandã: potes enim instare in hoc etiam titulo de dignitate agier iam creata, omnia enim illius capitula de translatione loquuntur. Dic itaque eã ob causam anteire hunc titulum, titulum de electione, quia ad eam præparatur, & à præparatorijs inchoandũ est. Dec. in rubrica de iudic. in principio: titulũ de translatione, quia illo generalior est, & comprehendit tam eos, qui transferendi postulantur, quã, qui alios patiuntur defectus, à superiore, vt legitimè eligi possint, remouendos. Sed longiores, quã par erat, in rubricã cõtinuatione facti sumus.

3 Explosa definitione gloss. in c. vnic. hoc titulo lib. 6. definitur postulatio ab Abb. hinc, vt sit petitio gratiæ à superiore, facta de promouendo aliquem ad prælationem, ad quam de iure communi propter defectum aliquem, vel impedimentũ promoueri non poterat. Hæc definitio recipitur ab oĩbus, & ad eã reducitur Hostiens. secũdũ Dec. hinc nu. 3. quod nempe postulatio sit alicuius personæ, quæ eligi prohibetur non propter vitium, sed propter defectum, qui tamen postulatum non omninõ inhabilem reddit, cõcors, & certa capituli facta petitio. Vtraq; tamen definitio placere non potest. Etenim mēbro mutilatus non propter vitium, sed propter defectũ

promoueri non potest, & tamen nec postulari c. expo-  
sisti, de corp. vitiat. Item bigamus propter defectum  
prohibetur eligi, & tamen postulari nequit. c. 1. & 2. de  
bigam. Nec respondeas cum Hostiens. hos, & similes  
defectus omninò inhabiles reddere postulandos: non ita  
verò dicendum de alijs, qui postulandos non omninò  
reddunt inhabiles, veluti si defectus proueniat ex ætate,  
ex natalibus, ex ordinibus, & similibus: exponat enim  
quæso nobis Hostiens. quo pacto cognoscere possimus,  
qui defectus omninò, & qui non omninò inhabiles red-  
dant, cum tamen vtrisque existentibus nemo eligi pos-  
sit, cum sit electionis incapax. Vnde prouenit istud om-  
ninò, & istud non omninò; Nam, vt verum fatear, id  
omninò ignoro.

4 Exactis itaq; his definitionibus; semper enī aliquid  
noui rimari conatus ab alienis, quātū possum, abstineo,

*Ne, si fortè suas repetitum venerit olim*

*grex auium plumas, moueat cornicula risum:*

Sit postulatio, petitio gratiæ à superiore, ad tollendam  
promouendi inhabilitatem iure postulari non prohibi-  
tam. Maximè verò iuuat definitionem nostram doctri-  
na Card. in c. vlt. hoc tit. nu. 5. Ait enim ille regulā esse,  
quēlibet eligi posse, nisi prohibeatur, c. postquā, de ele-  
ctiōe: rursus, quēlibet eligi prohibitū postulari posse, nisi  
itidē prohibeat c. 1. ibi, ppter postulatā personā, hoc tit.

5 Ex hac definitione iam apertè constabit, qui postulari, & qui non postulari possint. Patiens enim in natalibus defectum c. innotuit, in ætate e. c. cum nobis olim, de electione, postulari potest, quia iure non prohibetur: Bigamus verò c. 1. & 2. de bigamis, membro mutilatus c. exposuisti, de corpore vit. postulari non potest, quia vtriusque postulatio iure expressè prohibetur. Sed, quoniam, vt inquit Alexander Aphrodisæus opera Angeli Politiani latinitate donatus in lib. solutionū super nonnullis physicis dubitationibus, haud ijs tantummodò acquiescendum est, quæ ad vniuersum feruntur, sed tanquam manu ducendus, qui eruditur, casus ipsos speciales, in quibus aliquis potest, aut non potest postulari, videre poteris sigillatim per Card. in d. c. vlt. à nu. 5.

6 Aduertendum tamen est ad exactiorem huius tituli declarationem, duplicem esse postulationem; alteram solennem, quæ fit ab eo, qui dispensare potest, & alteram non solennem, quæ ab eo fit, qui non potest dispensare, sed cuius tamen requiritur consensus, veluti, cum consensus Abbatis in religioso alicuius promotione postulatur, iuxta c. si religiosus, de electione in 6. quod colligitur ex Abb. citato à Dec. hinc num. 12.

7 Quo autè pacto à nominatione postulatio distinguatur, vide per Hostiens. hinc nu. 7. Et, vtrum postulatio ius conferat, per Abb. in c. 3. num. 8. per Hostiens. nu. 12.

à quo

à quo fieri possit, per eundem nu. 9. &, qui dicantur de-  
niq; praelati, &, de quib' agatur in hac rubrica, per Dec.  
nu. 5. Cæterum taceat scenam deferens postulatio: adest  
enim iam electio suam personam adtura.

**Q**AD RUBRICAM DE ELECTIO-  
ne, & electi potestate.



**V**IVS RUBRICAE CON-  
tinuationem pete à rubrica superiori.  
Sed dubitari potest, quænam fuerit ra-  
tio, cur prius titulus de electione, quàm  
de translatione positus fuerit, cum translatio sit electio-  
ni subordinata, & à subordinatis incipiendum, vt & su-  
perius attigimus. Hanc dubitatione tollit in titulo præ-  
cedenti Cardin. Zabarella, cui nimium deferre soleo vel  
ob id maxime, quod præceptor fuerit Abbatis nostri,  
cumq; ad doctoratus apicem euexerit, vt testatur idem  
Abb. ea se de re nimium iactans in rubrica de Iudic. Ait  
itaque Cardin. præpositam electione, quia electio mo-  
dus est ordinarius prouidendi, & ideo præmittendus trã-  
slationi, quæ est quid extraordinarium, & in episcopati-  
bus, & superioribus dignitatibus solum per summum  
pontificem fit: totus titulus, de translatione episcopi.

2 Definitur electio, quòd sit alicui' personæ ad digni-  
tatem,

tatem, vel fraternam societate canonice facta vocatio.  
 Hæc definitio à glossis originem habens ad omnes ferè  
 doctores deriuata est. Illà enim tradit glossa in Rubrica  
 de postulat. prælat. lib. 6. & in c. 1. verb. vera, eodè titulo,  
 & lib. Illam Abb. in eadem Rubrica num. 2. Hostiens. in  
 summa huius tituli nu. 1. Boër. decisione 1. in principio,  
 Petrus de Biasio in directorio electionum 1. part. c. 1. nu.  
 2. & multi alii. Memini tamen me aliàs, cum relegerem  
 duobus abhinc annis c. cum iam dudum, de præb. in Bac-  
 chalaureatus examine in primo relectionis præmisso,  
 definitionè hanc omnibus prouidendi modis compete-  
 re asseruisse. Cõpetit enī institutioni, præsentatiõni, & si-  
 milibus, per quas oēs ad dignitates, seu fraternas societa-  
 tes aliquis vocatur. Nõ est hæc itaq; bona definitio, quæ  
 cum suo non conuertitur definito iuxta l. 1. §. dolum. ff.  
 de dolo.

3 Supposita igitur distinctione inter electionem, cõ-  
 firmationem, præsentationem, institutionem, collatio-  
 nẽ, de qua per Abb. in c. autoritate, de institut. per Dec.  
 in hac Rubr. in princip. per Hostiens. nu. 2. ad med. dici  
 potest electionem in genere sumptam, prout in hoc ti-  
 tulo accipitur, esse assumptionè alicuius ad aliquẽ locũ  
 à superiore confirmandã. Hęc definitio oēs difficultates  
 tollit, & soli electioni conuenit, verba enim illa, à supe-  
 riore confirmandã, essentialẽ differentiã cõstituunt inter  
 omnes

omnes alias prouisiones. Rursus hæc definitio electio-  
nem summi pontificis includit, de qua in c. licet, inclu-  
dit etiam electionem imperatoris, de qua in c. venera-  
bilem, hoc titulo. Petit igitur hic locus, vt in gratiam  
horum capitum vnde hæc electiones, quæ hodie in pon-  
tificis, & imperatoris obitu obseruantur, originem ha-  
buerint, explicemus.

4 Fuit verò necesse, vt rem hæc pro dignitate tracta-  
remus, ad historicorum viridaria nos conferre, in quæ  
aliquando diuertimus, non tam animi oblectandi cau-  
sa, quanquam & ob id quoque, est enim suauissima illo-  
rum familiaritas, quàm, quòd iuris peritis antiquarum  
rerum notitiam haud parum esse necessariam semper  
existimauerim. Idque vltra Max. Tyrium in sermone  
12. Chassan. part. 10. confid. 46. à veteribus didici Iurif-  
consultis, quorum Modestinus Periochen in Virgilium  
cōposuit, idēq; græcè disertauit: Antistius quoq; labeo  
non iuris scientiæ solū, sed & alijs studijs tantum operæ  
dedit, vt in eis etiā peritissimus haberetur: quo in albo  
& Seruiū Sulpitium oratorem celeberrimū eruditi oēs  
ponunt, Iabolenūque, quorum responsis, ceu gemmulis  
Digestorum libri creberrimè resperguntur, quæ verba,  
ne crimen plagij committere videamur, propter ipso-  
rum nitorem descripsimus ex epistola Alciati in laudē  
Cornelij Taciti, quæ tãti est habita apud doctos, vt ex ea



se, quantus fuerit Alciatus, deprehēdisse dicat Erasmus  
in Ciceroniano.

50 Fuit itaq; Nicolaus ij. ille pontifex, cui Cardinales  
summi pōtificis electionē debent: ille enī instituisse fer-  
tur, vt illi soli ad eā admīssi optatissimū viduatæ Pisca-  
toris Ecclesiæ vicariū, & gubernatorem darent. Idq; vl-  
trā pōtificalis, & imperialis historiæ scriptores, illos in  
vita Nicol. ij. hos Henrici iij. nō latuit Gratianū nostrū  
īndefessū antiquitatis indagatorē in suo aureo decreto-  
rū volumine in c. in nomine dñi, 23. dist. Vndè sūt explo-  
dēdi doctores, qui sūmi pōtificis per Cardinales electio-  
nem iure diuino introductā esse dicūt: hic aut error ori-  
ginē trahit ab altero, quo affirmatur cardinales iuris es-  
se diuini argumēto sumpto à c. fundamēta, vers. decet,  
de electiōe in 6. & c. per venerabilē, vers. rationibus, qui  
filij sint legitimi, qua de re Barb. de præstantia Cardin.  
quæst. 1. num. 27. cum sequentibus, quam etiam opinio-  
nem valdē adiutat Ludouicus Cœlius lib. 6. lectionum  
antiquarū c. 1. vbi affert huius nominis ethymon, à quo  
non dissentit gloss. in c. 2. verb. Cardinalium, de officio  
archipresb. Patienter tamen ferant illustrissimi Cardi-  
nales, si ipsorum officium iure humano constitutum es-  
se dicamus: quod si se iure suo fraudatos putant, cum  
Erasmo Rhoterodamo, & Virgilio Polydoro cōtendāt,  
quibus autoribus hanc illis à iure diuino propagationē  
denc-

denegauit noster Philippus in sua repetitiōe à nobis sæpius repetita 6. part. §. 50. inferò. Tu Cardinalatus originem pete ab historicis in vita Euaristij, quarti à Petro pontificis, vt opinatur Carranza in summa concil. siue sexti, vt vult D. Hieronymus, & in vita Innoc. iiii. & à Petro Mexias in vita Traiani, Henrici iiii. Cunradi, & Guillielmi, & ipsius priuilegia à glos. verb. sublimitatē in extrauag. execrabilis, de præb. Ioann. xxij. & vtrum pontifex teneatur Cardinalium in rebus fidei definiendis consilium exigere, ab his, quos citat Cou. lib. 10. var. c. 10. num. 12. Chassan. 3. part. confid. 47. vers. nec in hoc cum sequenti, & 4. part. confid. 10. vbi de Cardinalium numero, dignitate, titulis, præcedentia multa scitu dignissima referuntur.

6 Cæterum, quoniam Dec. hîc num. 3. aduersus Abbatem, qui confirmationem ad eò electioni affinem esse dicit, vt nulla possit esse electio, quin confirmationem desideret, summi pontificis obijcit electionem, quæ vera electio est, & non indiget cõfirmatione: Reperiemus, si vetera cõsulamus, antiquis tēporibus Romanos imperatores ius confirmandi summos pontifices, siue iure, siue iniuria obtinuisse: donec Constantinus iiii. imperator tempore Benedicti ij. pontificis hoc iure cessit, quod tñ ob euitanda scādala, & sedādas imperatorū cū Romanis patribus discordias tolerabatur. Adrianus vero ij. ob

egregia